

臨證指南醫案目

卷二

欬嗽

吐血

失音

肺痿

臨證指南醫案卷二

許關李大瞻翰圃

古吳葉桂天士先生著 錫山華南田岫雲同較

姪 旦玉堂

咳嗽

寒

某三五 寒傷衛陽咳嗽。

川桂枝此仲景正法五分

杏仁 三錢

苡仁 三錢

炙草 四分

生薑 一錢

大棗 二枚

某三九 勞傷陽氣形寒咳嗽。桂枝湯加杏仁。

臨證指南醫案卷二 咳嗽

某四寒熱咳嗽當以辛溫治之桂枝湯去芍加杏仁

某五形寒咳嗽頭痛口渴桂枝湯去芍加杏仁花粉

某咳嗽寒熱

杏仁 三錢

嫩蘇梗 一錢

桔梗 一錢

桑皮 一錢

此中人以後法并提究非嗽家所宜

象貝母 一錢

生甘草 三分

王三脈沉細形寒咳

桂枝 一錢

杏仁 三錢

苡仁 三錢

炙草 五分

生薑 一錢

大棗 一枚

吳四咳嗽聲音漸窒診脈右寸獨堅此寒熱客氣包裹肺

俞鬱則熱先以麻杏石甘湯

寒包熱

又葦莖湯

徐^四七瘧屬外邪。瘧止。聲音不揚。必是留邪。干於肺系。故咳

嗽不已。納食起居如常。中下無病。但以搜逐上焦。勿令

邪結。可望病已。

麻黃 宜用潤肺法

杏仁

生甘草

射干

一苡仁

某^二八風邪阻於肺衛。咳嗽面浮。當辛散之。

麻黃

先煎去沫五分

杏仁

二錢

生甘草

三分

生石膏

三錢

某^三十風襲肺衛。咳嗽鼻塞。當以辛涼解散。

杏仁

嫩蘇梗

桑皮

象貝

桔梗

苡仁

風

某女風熱上痺痰多咳嗽。

杏仁 嫩蘇梗 橘紅 桑葉

白沙參 通草

夏二五風鬱咳不止。

蒲荷 前胡 杏仁 桔梗

橘紅 桑皮 連翹 枳殼

風邪阻竅

方 煩勞衛疎風邪上受痰氣交阻清竅失和鼻塞音低咳嗽甚皆是肺病辛以散邪佐微苦以降氣為治。

杏仁 蘇梗 辛荑 牛蒡子

苡仁 橘紅 桔梗 枳殼

風溫

項二風溫脈虛嗽。

桑葉

薄荷

杏仁

象貝

大沙參

連翹

沈

脈右搏數風溫嗆咳。

桑葉

杏仁

象貝

苡仁

瓜萋皮

白沙參

某

女

風溫發熱咳。

薄荷

連翹

杏仁

桑皮

地骨皮

木通

黃芩

炒查

某

十

歲頭脹咳嗽此風溫上侵所致。

以上諸方平淡
明切俱不失前
入法度

連翹 一錢半

薄荷 七分

杏仁 一錢半

桔梗 一錢

生甘草 三分

象貝 一錢

某二十風溫上受咳嗽失音咽痛。

杏仁

薄荷

連翹

桔梗

生甘草

射干

風溫化燥

邱

向來陽氣不充得溫補每每奏效近因勞煩令陽氣

弛張致風溫過肺衛以擾心營欲咳心中先痒痰中偶

帶血點不必過投沉降清散以辛甘涼理上燥清絡熱

蔬食安閒旬日可安。

冬桑葉

玉竹

沙參

甜杏仁

後人多宗此誤人

少用此而多其草為宜

生甘草

苡仁

糯米湯煎

宋二脈右浮數風溫干肺化燥喉間痒咳不爽用辛甘涼

潤劑

治風溫干嗽者非宜

桑葉

玉竹

大沙參

甜杏仁

生甘草

糯米湯煎

某積勞更受風溫咽乾熱咳形脈不充與甘緩柔方

桑葉一錢

玉竹五錢

南沙參一錢

生甘草五分

甜水梨皮二兩

又風邪鬱蒸化燥發熱後咳嗽口乾喉痒先進清肺

杏仁

花粉

蘇子

象貝

咳喘而用麥冬
是毒藥也

風溫化
燥傷胃
陰

山梔

橘紅

薛三風熱咳經月不止

活水蘆根

桑葉

大沙參

生苡仁

地骨皮

象貝

滑石

橘紅

某

風溫客邪化熱劫燥胃津喉間燥癢嗆咳用清養胃

陰是土旺生金意

金匱麥門冬湯

陸

二陰虛體質風溫咳嗽苦辛開泄肺氣加病今舌咽乾

燥思得涼飲藥劫胃津無以上供先以甘涼令其胃喜

倣經義虛則補其母

桑葉

玉竹

能潤肺

生甘草

麥冬

元米炒

白沙參 蔗漿

某 外受風溫鬱遏。內因肝膽陽升莫制。斯皆肺失清肅。咳痰不解。經月來。猶覺氣壅不降。進食頗少。大便不爽。津液久已乏上。候腑中之氣。亦不宜暢。議養胃陰。以杜陽逆。不得泛泛治咳。

麥冬

沙參

玉竹

生白芍

扁豆

茯苓

某 溫邪外襲。咳嗽頭脹。當清上焦。

杏仁

桑皮

桔梗

象貝

溫邪

通草

蘆根

某^二六 咳嗽痰黃咽喉不利。此溫邪上侵肺氣不清故耳。

桑葉 川貝母 白沙參 杏仁

兜鈴 鮮枇杷葉

某^二八 陰虧挾受溫邪咳嗽頭脹當以輕藥。

桑葉 杏仁 川貝 白沙參

生甘草 甜水梨皮

某 脈細數咳嗽痰黃咽痛當清溫邪。

桑葉 杏仁 川貝 苡仁

兜鈴 鮮蘆根 又照前方加白沙參冬瓜子

某^四一 脈右弦大咳嗽痰多黃此屬溫邪上伏之故。

桑葉

杏仁

白沙參

南花粉

兜鈴

甜水梨肉

王二脈小數能食乾咳暮甚冬藏失納水虧溫伏防其失

血用復脈法

復脈湯去參薑桂

張比冬季溫邪咳嗽是水虧熱氣內侵交驚蟄節嗽減用

六味加阿膠麥冬秋石金水同治是瀉陽益陰方法為

調體治病兼方近旬日前咳嗽復作納食不甘詢知夜

坐勞形當暮春地氣主升夜坐達旦身中陽氣亦有升

無降最有失血之虞况體豐肌柔氣易泄越當暫停誦

讀數日可愈

桑葉

甜杏仁

大沙參

生甘草

玉竹

青蔗漿

陰虛感
溫邪

楊二形瘦色蒼體質偏熱而五液不充冬月溫煖真氣少
藏其少陰腎臟先已習習風生乃陽動之化不以育陰
驅熱以卻溫氣泛泛乎辛散為暴感風寒之治過辛泄
肺肺氣散斯咳不已苦味沉降胃口戕而腎關傷致食
減氣怯行動數武氣欲喘急封藏納固之司漸失內損
顯然非見病攻病矣靜養百日猶冀其安

麥冬米拌炒

甜沙參

生甘草

南棗肉

沖入青蔗漿一杯

氣分熱

王五 氣分熱熾頭脹痰嗽

連翹

石膏

杏仁

鬱金

薄荷

山梔

又 照前方去山梔加萹皮桔梗

范四 脈左弱右寸獨搏久咳音嘶寐則成噎阻咽平昔嗜

飲胃熱遺肺酒客忌甜微苦微辛之屬能開上痺

山梔

香淡豉

杏仁

括萹皮

鬱金

石膏

林氏 宿病營衛兩虛茲當燥氣上犯暴涼外侮氣餒衛怯

肺先受邪脈浮數咳喘欲嘔上熱下冷宜先清化上氣

有取微辛微苦之屬。

桑葉

杏仁

蘇梗

山梔

象貝

苡仁

糯米湯煎

十歲嗽緩潮熱稗年陰虧氣熱所致。

地骨皮

三錢

青蒿

一錢

知母

一錢

生甘草

三分

南沙參

一錢

川斛

三錢

某嗽已百日脈右數大從夏季伏暑內鬱治在氣分。

桑葉

生甘草

石膏

苡仁

杏仁

蘇梗

史四濕鬱溫邪總是阻遏肺氣嘔咳脫痞即病形篇中諸

熱鬱成毒

嘔喘滿皆屬於肺。不明口鼻受侵阻氣之理。清中疎導。乃過病所伐其無病之地矣。

鮮枇杷葉 杏仁

象貝

黑山梔

兜鈴

馬勃

又輕浮苦辛治肺。咳喘頗減。咽痛紅腫。皆邪窒既久。壅而成毒。嗑乾不喜飲。舌色淡不紅。仍清氣分佐以解毒。

雞子白

麥冬

大沙參

金銀花

菉豆皮

蔗漿

陸秋暑燥氣上受。先干於肺。令人咳熱。此為清邪中上。

當以辛涼清潤。不可表汗。以傷津液。

暑

青竹葉

連翹

花粉

杏仁

象貝

六一散

又脈右大癰熱無寒暑鬱在肺當清氣熱佐以宣通營

衛。桂枝白虎湯加麥冬

又而熱止脈右數咳不已

知母

生甘草

麥冬

沙參

炒川貝

竹葉

汪女暑熱入肺為咳

花粉

六一散

杏仁

橘紅

大沙參

黑山梔皮

某九咳嗽。頭脹口渴。此暑風襲於肺衛。

杏仁 三錢

香薷 五分

大桔梗 一錢

桑皮 一錢

飛滑石 二錢

絲瓜葉 三錢

倪三兩寸脈皆大冷熱上受咳嗽無痰是為清邪中上從

暑風法

竹葉

蔓皮

橘紅

滑石

杏仁

沙參

潘氏久咳不已則三焦受之是病不獨在肺矣况乎咳甚

嘔吐涎沫喉癢咽痛致咳之由必衝脈之傷犯胃擾肺

氣蒸薰灼淒淒燥癢咳不能忍近日晝暖夜涼秋暑風

潮熱溏泄客氣加臨營衛不和經阻有諸但食薑氣味
過辛致病辛則泄肺氣助肝之用醫者知此理否耶夫
診脈右弦數微寒熱渴飲擬從溫治上焦氣分以表暑
風之邪用桂枝白虎湯

王^三歲暑風人肺熯熱咳嗽防驚

益元散

黃芩

竹葉

花粉

苡仁

地骨皮

暑濕
張^五形瘦脈數驟涼暮熱肺失和為咳小暑後得之亦由

時令暑濕之氣輕則治上大忌發散

大竹葉

飛滑石

杏仁

花粉

桑葉 生甘草

某 咳嗽喉痛溺瀦

西瓜翠衣 三錢 杏仁 三錢

六一散 三錢

桔梗 一錢

無不用甘草之理

通草 一錢 桑葉 一錢

川貝 一錢

連翹 一錢

曹 水穀不運濕聚氣阻先見喘咳必延蔓腫脹治在氣

分

杏仁 厚朴 苡仁 廣皮白

蘇梗 白通草

陸 濕必化熱薰蒸為嗽氣隧未清納穀不旺必薄味靜

養壯盛不致延損

濕熱

濕

飛滑石 南花粉 象貝 苡仁

萊豆皮 通草

某 渴飲咳甚大便不爽。

石膏 花粉 通草 紫苑

木防已 杏仁 苡仁

濕痰阻氣 某 雨濕寒熱汗出痰多咳嗽大小便不爽胸脘不飢臍

左室塞

杏仁 萊菔子 白芥子 蘇子

鬱金 萹皮 通草 橘紅

朱十五 中虛少運濕痰多阻氣分咳嗽舌白。

濕熱痰火

炒半夏 茯苓 桂枝木 炙草 苡仁

馮

脈右弦大而緩形瘦目黃久嗽聲嘶而濁水穀氣蘊

之濕再加時序之濕熱壅阻氣分咳不能已久成老年

痰火咳嗽無性命之憂有終年之累

終宜清散

蘆根

馬勃

苡仁

浙茯苓

川斛

通草

陳

秋燥痰嗽氣促

桑葉

玉竹

沙參

嘉定花粉

苡仁

甘草

蔗漿

終宜降藥

又

用清燥法

燥

桑葉

玉竹

沙參

苡仁

甘草

石膏

杏仁

施脈沉弦為飲。近加秋燥。上咳氣逆。中焦似痞。姑以辛

泄涼劑。暫解上燥。

括蕒皮

鬱金

香豉

杏仁

苡仁

橘紅

北沙參

山梔

胡六脈右勁。因疥瘡。頻以熱湯沐浴。衛疎易傷。冷熱皮毛

內應乎肺。咳嗽氣塞。痰多久則食不甘。便燥結胃津。日

耗不司供肺。况秋冬天降燥氣。上加漸至老年痰火之

象。此清氣熱以潤燥。理勢宜然。倘畏虛日投滯補。益就

枯燥矣

霜桑葉

甜杏仁

麥冬

玉竹

白沙參

老年而無外感之寒麥冬玉竹亦可同

天花粉

甘蔗漿

甜梨汁

熬膏

某四脈弦胸膈痺痛咳嗽頭眩此燥氣上侵肺氣不宜使

然當用輕藥以清上焦

杷悞桃

桑葉

小川貝

杏仁

冬瓜子

桔梗

某九舌白咳嗽耳脹口乾此燥熱上鬱肺氣不宜使然當

某用辛涼宜薄滋味

鮮荷葉

錢

連翹殼

半錢

大杏仁

錢

白沙參

錢

飛滑石

錢三

冬桑葉

錢一

某^二邪爍肺陰咳嗽咽痛晡甚^五

玉竹

南沙參

冬桑葉

川斛

元參

青蘆漿

呆^二鼻淵三載藥投辛散如水投石未能却除辛辣炙燂

耳^四近復咳嗽音嘶燥氣上逼肺衛使然

杏仁

連翹

象貝

白沙參

桑皮

兜鈴

僧^三脈右寸獨大氣分咳有一月^十

桑葉

杏仁

玉竹

苡仁

沙參

茯苓

糯米湯煎

某

脈右大寤咳寐安病在氣分

桑葉

川貝

知母

地骨皮

梨汁

蔗漿

熬膏

朱女

肝陰虛燥氣上薄咳嗽夜熱

桑葉

白沙參

杏仁

橘紅

花粉

地骨皮

糯米湯煎

陸女

燥風外侵肺衛不宣咳嗽痰多不時身熱當用輕藥

以清上焦

桑葉

杏仁

花粉

大沙參

川貝 菘豆皮

戎 咽阻咳。嗆兩月來。聲音漸低。按脈右堅。是冷熱傷肺。

生雞子白 桑葉 玉竹 沙參

麥冬 甜杏仁

吳七歲 燥氣上逼。咳。嗆。以甘寒治氣分之燥。

大沙參 桑葉 玉竹 生甘草 甜梨皮

某二十 燥熱內伏。發熱。咳嗽。口渴。

桑葉 杏仁 白沙參 連翹

圓圖滑石 鮮蘆根

費一十 久瘧傷陰。冬季溫舒。陽不潛藏。春木升舉。陽更泄越。

入暮寒熱晨汗始解而頭痛口渴咳嗽陰液損傷陽愈
熾冬春溫邪最忌發散謂非暴感汗則重劫陰傷迫成
虛勞一途況有汗不痊豈是表病診得色消肉爍脈獨
氣口空搏與脈左大屬外感有別更有見咳不已膠爲
肺熱徒取清寒消痰降氣之屬必致胃損變重嘗考聖
訓仲景云凡元氣已傷而病不愈者當與甘藥則知理
陽氣當推建中顧陰液須投復脈乃邪少虛多之治法
但幼科未讀其書焉得心究是理然乎否乎

炙甘草

鮮生地

麥冬

火麻仁

阿膠

生白芍

青蔗漿

又 由陰傷及胃。痿黃食少。餐法當補養胃陰。虛則補母

之治也。見咳治肺。生氣日憊矣。金匱麥門冬湯

某^五 腕痺咳嗽。

鮮枇杷葉 三錢 叭嚏杏仁 三錢 桔梗 一錢 川貝 二錢

冬瓜子 三錢 蜜炙橘紅 一錢

周^三 秋燥從天而降。腎液無以上承。咳嗽吸不肯通大便

三四日一更衣。脈見細小。議治在臟陰。

牛乳 紫衣胡桃 生白蜜 薑汁

吳 久嗽因勞乏致傷絡血。易瘀。長夜熱灼。議養胃陰。

北沙參 黃芪皮 炒麥冬 生甘草

胃陰虛

炒粳米

南棗

此方至足以養胃陰

某

喉痺咳喘脈右大而長。

生扁豆

麥冬

北沙參

川斛

青蔗漿

毛

上年夏秋病傷。冬季不得復元。是春令地氣陽升。寒熱咳嗽。乃陰弱體質。不耐升泄所致。徒謂風傷。是不知陰陽之義。

北參

炒麥冬

炙甘草

白粳米

南棗

某

病後咳喘。當清養肺胃之陰。

生扁豆

麥冬

玉竹

炒黃川貝

川斛

白粳米湯煎

徐二形寒畏風冷。食減久嗽。是衛外二氣已怯。內應乎胃。陽脈不用。用藥莫偏。治寒熱以甘藥調。宗仲景麥門冬

湯法。

張七入夏嗽。緩神倦。食減。渴飲。此溫邪。延久。津液受傷。夏令暴煖。泄氣。胃汁暗虧。筋骨不束。兩足痠痛。法以甘緩。益胃中之陰。倣金匱麥門冬湯製膏。

參鬚二兩

北沙參一兩

生甘草五錢

生扁豆二兩

麥冬二兩

南棗二兩

熬膏

湯四脈左堅數。促冬溫。咳嗽是水虧熱升。治不中窾。胃陰受傷。穢濁氣味。直上咽喉。卽清肺冀。緩其嗽。亦致氣泄。

而嗽仍未罷。先議甘涼益胃陰以制龍相。胃陰自立。可

商填下

生扁豆

米炒麥冬

北沙參

生甘草

冬桑葉

青蘆漿水

錢氏

脈右數咳兩月咽中乾鼻氣熱早暮甚此右降不及

胃津虛厥陽來擾

金匱麥門冬湯去半夏加北沙參

某^十咳早甚屬胃虛

生扁豆

炒麥冬

大沙參

苡仁

橘紅

陳^秋冬形體日損咳嗽吐痰診脈兩寸促數大便通而

不爽此有年煩勞動陽不得天地收藏之令日就其消

乃虛症也。因少納胃衰，未可重進滋膩。議用甘味養胃。

陰一法。金匱麥門冬湯。

錢久咳三年，痰多食少，身動必息，鳴如喘。診脈左搏數。

右小數，自覺內火燔燎，乃五液內耗，陽少制伏，非實火。

也。常以瓊玉膏滋水，益氣暫用湯藥，總以勿損胃為上。

治嗽肺藥，諒無益於體病。

北沙參

白扁豆

炒麥冬

茯神

川石斛

花粉

膽火犯肺

范氏

兩寸脈大，咳甚，腕悶頭脹，耳鼻竅閉。此少陽鬱熱上。

逆犯肺，肺燥喉癢，先擬解木火之鬱。

羚羊角

連翹

梔皮

薄荷梗

苦丁茶

杏仁

蔓皮

菊花葉

鬱火傷胃

陸姬

脈小久咳背寒骨熱知飢不食厭惡食物氣味此憂

思悵鬱皆屬內損閱方藥都以清寒治肺不應議益土

泄木法

炙甘草

茯神

冬桑葉

炒丹皮

炒白芍

南棗

藥輕不去病宜清營衛固其腎

尤氏寡居煩勞脈右搏左澹氣燥在上血液暗虧由思鬱

致五志煩煎固非溫熱補澹之症晨咳吐涎姑從胃治

以血海亦隸陽明耳

生白扁豆 玉竹 大沙參 茯神

經霜桑葉 苡仁 用白糯米半升淘濾清入

滾水泡一沸取清湯煎藥。

又 本虛在下情懷悒鬱則五志之陽上薰為咳固非實火。但久鬱必氣結血涸。延成乾血勞病。經候瀯少愆期。已屬明徵。當培肝腎之陰以治本。清養肺胃氣熱以理標。剛熱之補畏其劫陰非法也。

生扁豆 兩 北沙參 三錢 炙草 五分 南棗肉 三錢

方丸 熟地 砂仁末拌 鹿角霜 另研 當歸 小茴香拌

淮牛膝 鹽水炒 雲茯苓 二兩 紫石英 醋煨水 炭二兩 飛一兩

營熱

青鹽 五錢

另熬生羊肉膠和丸早服四錢開水送

章二 五 自服八味鹿角膠以溫補反咳嗽吐痰形瘦減食皆

一 偏之害宜清營熱勿事苦寒

鮮生地

麥冬

元參心

甘草

苦百合

竹葉心

勞嗽

某二 七 脈數衝氣咳逆當用攝納腎陰滋養柔金為金水同

治之法

用此方以治嗽大謬此老終不悟也

熟地 四錢

白扁豆 五錢

北沙參 三錢

麥冬 二錢

川斛 三錢

茯神 三錢

王三 八 脈左尺堅久嗽失音入夏見紅天明咳甚而納穀減

損此勞損之症急宜靜養者。

麥冬

大沙參

玉竹

川斛

生白扁豆

雞子白

某

久嗽咽痛入暮形寒雖屬陰虧形痿脈與未宜妄補。

麥冬

南沙參

川斛

生甘草

糯稻根鬚

某

氣急咳頻欲嘔下午火升此上有燥熱下焦陰虧也。

早都氣丸

晚威喜丸

張

今年春季時疫大半皆有咳嗽咽喉之患乃邪自上

干肺氣先傷耳近日身動氣喘聲音漸不揚著左眠臥

左脇上有牽掣之狀此肝腎陰虧衝氣上觸冬藏失司。

漸有側眠音啞至矣勞傷致損非清邪治咳之病

六味丸加陽秋石阿膠麥冬蜜丸

顧

真陰不旺先後天皆虧以填精實下為主若清熱冀

圖治嗽必胃損滅穀

此等藥為丸即無害但嗽症亦不可不治

熟地

萸肉

山藥

茯苓

湖蓮

芡實

五味

人乳粉

金櫻膏丸

湯三脈左弱右搏久有虛損交春不復夜臥著枕氣衝咳

甚即行走亦氣短喘促此乃下元根蒂已薄冬藏不固

春升生氣淺少急當固納攝下世俗每以辛涼理嗽每

致不救矣

此宜上下分治

水製熟地

五味

湖連

芡實

茯神

青鹽

羊內腎

為丸則可

某^二氣衝咳逆行動頭脹下體自汗

都氣丸

樂^二熱病兩三反覆真陰必傷當戌亥時厥昏汗出者乃

虛陽上冒肝腎根蒂不牢衝脈震動則諸脈俱逆陽泄

為汗耳此咳嗽乃下焦陰不上承非肺病也急當收攝

固納閱醫蘇子鈎藤皆泄氣鋒芒之藥施於陰陽兩損

之體最宜斟酌 都氣加青鉛

朱^三吸氣息音行動氣喘此咳嗽是腎虛氣不收攝形寒

怯冷護衛陽微腎氣丸頗通形氣不足加人參河車

王十五氣急嗽逆。足冷當用攝納。水中藏火法。薛氏加減。

八味丸三錢淡鹽湯送下

郭二形瘦脈垂尺澤久嗽嘔逆半年不愈是腎虛厥氣上干醫藥清寒治肺者不少誤人匪淺

坎係 人乳粉 杞子 五味 胡桃肉

茯神 巴戟肉 萸肉 山藥漿丸

某六二冬季咳嗽吐痰漸至臥則氣衝喘急起坐今三載矣。

經以肺腎為俯仰之臟是肺主出氣腎主納氣老年患此按脈右弦左沉為腎氣不收主治不必因痔患而畏

辛熱 腎氣丸去牛膝肉桂加沉香蜜丸

張三冬。冬季喘嗽似屬外因。表散香進反致失音。不得著枕。

臥眠。今戊亥時濁陰上干而喘急氣逆為甚。仍議引導。

納氣歸腎。六味加附子車前補骨脂胡桃沉香。

朱虛勞食減便瀉已無清肺治嗽之法。必使胃口旺冀。

其久延此非藥餌可效之病。

人參秋石泡湯拌烘 茯神 山藥 建蓮 芡實

苡仁 訶子皮 用糯稻根鬚煎湯煎藥

沈九勞嗽食減便瀉汗出陰損已及陽腑中宜扶胃下固。

腎陰為治大忌清肺寒涼希冀治嗽。

熟地 熟冬朮 五味 芡實

湖蓮

山藥

治嗽無此法

某氣弱久嗽痰多午前為甚

早服都氣丸三錢 午服異功散

某久咳損及中州脾失輸化食減神倦肺無所資至咳

不已診得兩手脈弦細數精氣內損非泛常治咳消痰

所可投

熟地

阿膠

燕窩

海參

令治久痢有此

不與

天冬

茯苓

紫石英

紫衣胡桃肉

陰虛火

孫脈搏大陽不下伏咳頻喉痺暮夜為甚先從上治

生雞子白

生扁豆皮

王竹

白沙參

麥冬 地骨皮

周四八脈來虛芤形色衰奪久患漏瘍陰不固攝經營勞動陽氣再傷冬月客邪致咳都是本體先虛春深入夏天地氣泄身中無藏日加委頓理固當然此豈治咳治血者議補三陰臟陰方法

人參秋石湯拌

熟地

麥冬

扁豆

茯神

白粳米

此等方總於嗽症非宜丸則無害

施氏

脈細數乾咳咽燥脊痠痿弱此本病欲損

阿膠

雞子黃

北沙參

麥冬

茯神

小黑檜豆皮

某左脈弦數遺泄久嗽痰黃當用填補

炒熟地

芡實

扁豆

女貞

茯苓

糯稻根鬚

腎陰胃陰兼虛

丁三秋令天氣下降上焦先受燥化其欬症最多屢進肺

藥無功按經云久咳不已則三焦受之是不揣於理肺

可知矣六旬又三形體雖充而真氣漸衰古人於有年

久嗽都從脾胃子母相生主治更有欬久氣多發泄亦

必益氣甘補斂攝實至理也茲議攝納下焦於早服而

純甘清燥暮進填實在下清肅在上凡藥味苦辛宜忌

為傷胃泄氣預防也

此古人一定之法知此而能煎丸異藥上下異功用無不順矣

服早

水製熟地八兩

白雲苓乳蒸四兩

五味子去核蒸烘三兩

建蓮去心衣三兩

淮山藥乳蒸四兩

車前子三兩

淮牛膝鹽水拌蒸烘三兩

紫衣胡桃肉霜連紫皮研三兩

右為末用蒸熟猪脊髓去膜搗丸服二三錢開水送

晚用益胃土以生金方法

真北沙參有根有鬚者四兩

生黃芪薄皮三兩 麥冬去心二兩

生白扁豆芎圖連皮四兩

生細甘草一兩 南棗肉四兩

淡水煎汁濾清收膏臨成加真柿霜二兩收晚開

水化服五錢

中氣虛

徐八四色萎脈濡心悸。噎痰咳逆。勞心經營。氣餒陽虛。中年

向衰病加治法中宮理胃。下固腎真。務以加穀爲安。縷治非宜。煎藥用大半夏湯。早服附都氣丸。

某色白肌柔。氣分不足。風溫上受而咳。病固輕淺。無如

羌防辛溫膏。知沉寒藥重已過。病所陽傷背寒。胃傷減

穀。病恙仍若。身體先憊。問誰之過歟。此方宜宜小建中湯

又苦辛泄肺損胃。進建中得安宗內經辛走氣。以甘緩

其急。然風溫客氣皆從火化。是清養胃陰。使津液得以

土供。斯燥癢咳。倉自緩。土旺生金。虛則補母。古有然矣。

金匱麥門冬湯不合法

王亂藥雜投。胃口先傷。已經減食便溏。何暇紛紛治嗽。

急急照顧身體。久病宜調寢食。異功去白朮加炒白

芍炒山藥

高。甘藥應驗。非治嗽而嗽減。病根不在上。腹鳴便忽澹。

陰中之陽損傷。

人參

冬白朮

雲茯苓

炙甘草

炒白芍

南棗

徐二勞損咳嗽。用建中法得效。乃無形之氣受傷。故益氣

之藥氣醇味甘。中土寧。金受益。然必安穀加餐。庶幾可

禦長夏濕熱蒸逼。真氣致泄。反覆。異功加歸芪薑棗

某。內損虛症。經年不復。色消奪。畏風怯冷。營衛二氣已

咳嗽服薑并能
令人失音戒之
戒

乏納穀不肯充長肌肉。法當建立中宮。大忌清寒理肺。希冀止嗽。嗽不能止。必致胃敗。減食致劇。

黃芪建中湯去薑

咳嗽服薑必吐血去之為宜此亦人所不知也

陳二脈細促久嗽寒熱身痛汗出由精傷及胃。

黃芪建中湯去薑

許二久嗽不已則三焦受之。一年來病咳而氣急。脈得虛

數。不是外寒束肺。內熱迫肺之喘急矣。蓋餒弱無以自立。短氣少氣。皆氣機不相接續。既曰虛症。虛則補其母。

黃芪建中湯

李三久嗽經年背寒足跗常冷汗多色白嗽甚不得卧。此

陽微衛薄。外邪易觸。而濁陰挾飲上犯。議和營衛。兼護其陽。黃芪建中湯去飴糖加附子茯苓。

任五勞力傷陽。自春至夏病加。煩倦神羸不食。豈是嗽藥

可醫。內經有勞者溫之之訓。東垣有甘溫益氣之方。堪

爲定法。歸芪建中湯

張二館課誦讀。動心耗氣。凡心營肺衛受傷。上病延中。必

漸減食。當世治咳。無非散邪清熱。皆非內損主治法。

芪建中湯去薑

呂脈左細。右空搏。久欬。吸短如喘。肌熱日瘦。爲內損怯症。但食納已少。大便亦溏。寒涼滋潤。未能治嗽。徒令傷

脾妨胃。昔越人謂上損過脾。下損及胃。皆屬難治之例。自云背寒。忽熱。且理心營肺衛。仲景所云元氣受損。甘藥調之。二十日議建中法。黃芪建中去薑。

馬 虛損脈弦。久嗽食減。小建中去薑。

鄭二脈來虛弱。久嗽形瘦。食減汗出。吸短。久虛不復。謂之損宗。內經形不足。溫養其氣。黃芪建中湯。去薑。加人

參五味

某二脈弦右大。久嗽背寒盜汗。小建中去薑。加茯苓神

朱九五年咳嗽。遇風冷咳甚。是肌表衛陽疎豁。議固劑。緩

其急。黃芪建中湯。

前連用建中諸
 法治久嗽而中
 宮虛乃補母之
 義真古聖相傳
 之正法非若陰
 火虛勞之嗽與
 建中正相反此
 老用此得手而
 快施于虛勞亦
 辨之不審耳

吳三勞力神疲。遇風則咳。此乃衛陽受傷。宜和經脈之氣。

勿用逐痰攻傷之藥。當歸桂枝湯合玉屏風散。

某久咳神衰肉消。是因勞內傷。醫投苦寒。沉降致氣泄。

汗淋液耗夜熱。胃口傷殘。食物頓減。黃芪建中去薑。

某脾胃脈部獨大。飲食少進。不喜飲水。痰多咳頻。是土

衰不生金氣。建中去飴加茯神。接服四君子湯。

某風溫咳嗽。多勞氣分不充。戊己湯。

人參 茯苓 於朮 炙草

廣皮 炒白芍

某勞嗽喜得辛煖之物。異功加煨薑南棗。

吳姬病去五六當調寢食於醫藥之先此平素體質不可不論自來納穀恒少大便三日一行胃氣最薄而滋膩味厚藥慎商從來久病後天脾胃為要咳嗽久非客症治脾胃者土旺以生金不必窮究其嗽

人參

鮮蓮子

新會皮

茯神

炒麥冬

生穀芽

某脈虛久嗽減食四君子加南棗

勞倦陽虛

汪初咳不得卧今左眠咳甚並不口渴欲飲周身縻縻

汗出此積勞內傷木反乘金不飢不納滋膩難投惟以

培中土制木生金台乎內傷治法

胃咳

川桂枝

茯苓

淡乾薑

五味子

生甘草

大棗

某二咳逆欲嘔是胃欬也當用甘藥

生扁豆一兩

北沙參一錢半

麥冬米拌炒一錢半 茯神 三錢

南棗三錢

糯稻根鬚五錢

此方不能作是

某伏邪久咳胃虛嘔食殆內經所謂胃咳之狀耶

麻黃

杏仁

甘草

石膏

半夏

苡仁

王二脈沉短氣咳甚嘔吐飲食便溏泄乃寒濕鬱痺瀆陽

明胃營衛不和胸痺如悶無非陽不旋運夜陰用事濁

肝犯胃
肺

泛嘔吐矣。庸醫治痰順氣。治肺論咳。不思內經胃咳之

狀咳逆而嘔耶。小半夏湯加薑汁

石

氣左升。腹膨嘔吐涎沫黃水。吞酸暴咳不已。是肝逆

乘胃射肺。致坐不得卧。安胃丸三錢

治飲

范

久咳涎沫欲嘔。長夏反加寒熱。不思食。病起嗔怒氣

塞上衝。不能着枕。顯然肝逆犯胃冲肺。此皆疎泄失司。

為鬱勞之症。故滋膩甘藥下咽欲嘔矣。

此當宗仲景瀉心湯法

小青龍去麻辛甘加石膏

芍藥五味甘草桂枝半項

顏氏

久有痛經。氣血不甚流暢。驟加暴怒。肝陽逆行乘肺

則咳。病家云少腹衝氣上干。其咳乃作。則知清潤肺藥。

非中窾之法。今寒熱之餘。咳不聲揚。但脇中拘急。不飢不納。乃左升右降。不司旋轉。而胃中遂失下行爲順之旨。古人以肝病易於犯胃。然則肝用宜泄。胃腑宜通。爲定例矣。

桑葉

丹皮

鈎藤

茯苓

半夏

廣皮

威喜丸

三錢

大腸嗽

某

脈弦右甚。嗽午潮熱。便溏畏風。以大腸嗽治之。

生於朮

錢半

茯苓

三錢

赤石脂

錢一

禹糧石

錢二

薑汁

四分

大棗

三枚

又

照前方加白芍炙甘草

肝風

又脈數右長左弦上咳下溏。

生於朮一錢 茯苓三錢 炙草五分 木瓜一錢

薑汁四分 大棗肉四錢

石三四咳嗽十月醫從肺治無效而巔脹喉痺腕痞顯是厥

陽肝風議鎮補和陽熄風方不苦落

生牡蠣 阿膠 青黛 淡菜

某昨議上焦肺病百日未痊形肌消爍悉由熱化久熱無有不傷陰液擬鹹補如阿膠雞子黃復入芩連苦寒自上清氣熱以補下雖為暫服之方原非峻尅之劑細思手經之病原無遽入足經之理但人身氣機合乎天

此篇欬嗽治法
精切穩妥惟用
麥冬沙參玉竹
粘梗等藥尚不
明古方用法自
前明雲間諸公
尚不能知不可
以此責此老也

脇痛

地自然。肺氣從右而降。肝氣由左而升。肺病主降日遲。肝橫司升日速。咳嗆未已。乃肝膽木反刑金之兆。試言及久寐寤醒。左常似閃爍。嘈雜如飢。及至進食未覺胃中安適。此肝陽化風旋擾不息。致嗆無平期。即條熱之來。升至左頰。其左升太過。足為明驗。倘升之不已。入春肝木司權。防有失血之累。故左右為陰陽之道路。陰陽既造其偏。以致病。所以清寒滋陰。不能驟其速功。

此方係和滋潤大可為法

阿膠

雞子黃

生地

天冬

女貞實

糯稻根鬚

姚

脇痛久嗽

旋覆花湯加桃仁柏子仁

凡逆醫必擇大
 症及疑症人所
 不能治者數則
 以立法度以啟
 心思為後學之
 所法今載百餘
 方重複者八九
 此非醫案乃逐
 日之總簿耳

某
 寒熱右脇痛咳嗽。

蘆根一兩

杏仁三錢

冬瓜子三錢

苡仁三錢

枇杷葉三錢

白蔻仁三錢

咳為氣逆嗽為有痰內傷外感之因甚多確不離乎
 肺臟為患也若因於風者辛平解之因於寒者辛溫
 散之因於暑者為薰蒸之氣清肅必傷當與微辛微
 涼苦降淡滲俾上焦蒙昧之邪下移出腑而後已若
 因於濕者有兼風兼寒兼熱之不同大抵以理肺治
 胃為主若因秋燥則嘉言喻氏之議最精若因於火
 者即溫熱之邪亦以甘寒為主但溫熱猶有用苦辛

之法。非比秋燥而絕不用之也。至於內因爲病。不可
不逐一分之。有剛亢之威。木扣而金鳴者。當清金制
木。佐以柔肝入絡。若土虛而不生金。真氣無所稟攝
者。有甘涼甘溫二法。合乎陰土陽土。以配剛柔爲用。
也。又因水虛而痰泛。元海竭而諸氣上冲者。則有金
水雙收。陰陽竝補之治。或大劑滋填鎮攝葆固先天
一炁元精。至於飲邪竊發。亦能致嗽。另有崙門兼叅
可也。以上諸法。皆先生臨證權衡之治。非具慧心手
眼。能如是乎。
邵新甫

吐血

寒邪

朱、形寒、暮熱、咳嗽、震動、頭中、腕中、脇骨、皆痛、先經、嗽紅。

體氣先虛、此時序冷熱不勻、夾帶寒邪、致病脈得寸口。

獨大、當清解上焦、大忌溫散之劑。

桑葉

蘇梗

杏仁

象貝

玉竹

大沙參

未豈夾帶寒邪致嗽新血服此必難愈

某

風溫上受吐血

桑葉

薄荷

杏仁

連翹

石膏

生甘草

風溫

風溫用玉竹乃
宋人之法歟血
則非宜

徐 陰虛風溫氣逆嗽血

生扁豆

玉竹

白沙參

茯苓

桑葉

鬱金

顧四寸口脈搏指而勁。痰血能食。初因風溫咳嗽。震動絡
血以清心營。肺衛之熱。

小生地

黑山梔

地骨皮

天花粉

丹參

連翹

竹葉心

汪 右脈大。咽喉痒。頭中微脹。此冬溫內侵。陽氣不伏。

絡熱血得外溢。當調其復邪。

桑葉

山梔皮

連翹

白沙參

冬溫

象貝 牛蒡子

某脈小而勁。少年體豐真氣易泄。經月咳嗆。自非外感。因冬溫失藏。咳頻震絡。痰帶血出。當薄味以和上焦氣。熱得清。病患可却。

桑葉 山梔 杏仁 鬱金

象貝 花粉 糯米湯代水

溫熱
王三五脈右大溫邪震絡咳痰帶血

桑皮 杏仁 山梔皮 花粉

大沙參 石膏

此口鼻通肺之藥有死者宜

高溫邪上鬱。清空目赤。頭脹咳嗆。見血。此屬客病。不必

爲內損法。

連翹

黑山梔

草決明

桑葉

薄荷梗

荷葉邊

苦丁茶

花粉

藥用急火煎

唐_二血後。喉燥痒欲。嗆脈左搏堅。

玉竹

南花粉

大沙參

川斛

桑葉

糯米飲煎

高_一脈小。瀆欲涼。飲熱阻氣。升血冒。仍議治上。

嫩竹葉

飛滑石

山梔皮

鬱金汁

杏仁汁

新荷葉汁

某春溫嗽痰固屬時邪。然氣質有厚薄。不可槩以辛散。

熱

且正在知識發動之年陰分自不足以至咳噎失血當以甘寒潤降以肅肺金此為正治

鮮枇杷葉 甜杏仁 南沙參 川貝

甜水梨 甘蔗漿

郭 熱傷元氣血後咳逆舌赤脈寸大

從此咳無止日矣

鮮生地 麥冬 玉竹 地骨皮

川斛 竹葉心

又 心眩不饑熱灼氣升

鮮生地 立參 丹參 鬱金汁

銀花 竹葉心 菜豆皮

寒熱鬱傷肺

某脈瀉咳嗽痰血不時寒熱此邪阻肺衛所致。

葦莖湯加杏仁通草

孫_二用力氣逆血亂咳出腥痰濁血用千金葦莖湯。

某邪鬱熱壅咳吐膿血音啞。

麻杏甘膏湯加桔梗杏仁桃仁紫苑

上焦氣分蓄熱

倪_二七肛瘍潰膿雖愈陰氣已經走泄當陽氣弛張發泄今

加嗽血痰多胃納減於平昔脈數促喘逆腕悶姑清肅

上焦氣分。此是勞怯症

蘇子

杏仁

香豉

黑梔皮

鬱金

萹皮

降香

桔梗

桔梗升提凡嗽
 症血症非降納不
 可此品卻望相反
 用之無不受害
 其故由于仲景
 治少陰喉痛用
 甘桔湯遂以桔
 梗為清肺降火
 之品不知仲景
 之方乃專以甘
 草治少陰犯肺
 之火恐甘草留
 入中宮不能留
 于上焦故少用
 桔梗以載甘草
 存留上焦後人
 不知竟以為款
 血之要藥豈不

暑熱

汪十七天明至午嗽甚痰血春暖陽浮是腎虛不藏聞咳音

重濁不爽先議輕清治氣分之熱

桑葉

南花粉

黑梔皮

桔梗

甘草

橘紅

某

脈搏數舌心灰咳痰有血頻嘔絡傷致血隨熱氣上

出仍理氣分

款而嘔者母專治肺當降納胃氣也

桑葉

花粉

薏仁

川貝

黃芩

茯苓

方

夏熱泄氣胃弱衝逆失血

扁豆

茯苓

參三七

茜草

大謬故枯槁同
清火疎痰之藥
猶無大害若同
辛燥等藥用無
不氣逆痰升涎
潮血湧余目睹
甚多而醫者無
一人能悟自宋
以來無不盡然
不獨今也此老
亦隨俗不察耳

施脈小數舌絳喉中痒咳噎血因暑熱旬日熱入營絡

震動而溢凡肺病為手太陰經逆傳必及臚中仍以手

厥陰治

竹葉心

生地

銀花

連翹心

玄參

赤豆皮

高脈數汗出身熱吐血五日胸腕不舒舌色白此陰虛

本質暑熱內侵營絡漸有時瘧之狀小溲莖中微痛宜

通腑經為宜

鮮生地

連翹

鬱金汁

滑石

竹葉

甘草梢

此症頗老

細察

又氣阻不饑。

黑梔皮

香豉

薑皮

鬱金

杏仁

橘紅

王氏

入夏陰血乃氣泄陽升。幸喜經水仍來。大體猶可無妨。近日頭脹腕中悶。上午煩倦。是秋暑上受。防發寒熱。

竹葉 飛滑石 杏仁 連翹

黃芩

荷葉汁

暑熱鬱肺阻竅

江積淤在絡。動絡血逆。今年六月初時。令暴熱。熱氣吸

入首先犯肺。氣熱血湧。強降其血。血藥皆屬呆滯。而清空熱氣。仍蒙閉於頭髓。空靈之所。諸竅痺塞。鼻塞瘖肉。

百部登百南醫案

卷一 吐血

三

此等醫案同傳

肺火氣通

出納之氣都從口出。顯然肺氣鬱蒸。致腦髓熱蒸。脂液自下。古稱燂物消物。莫如火。但清寒直泄中下。清空之病。仍然議以氣分輕揚。無取外散。尚事內通。醫工遇此。法則每每忽而失察。

連翹

牛蒡子

通草

桑葉

鮮荷葉汁

青菊花葉

臨服入生石膏末煎一沸

其二以毒藥燻瘡。火氣逼射肺金。遂令咳嗆痰血。咽乾胸悶。診脈尺浮。下焦陰氣不藏。最慮病延及下。卽有虛損之患。姑以輕藥暫清上焦。以解火氣。

杏仁 三錢

紫豆皮 三錢

冬瓜子 三錢

苡仁 三錢

木火升
逆擾動
陽絡

川貝一錢
鬼鈴七分

趙三咳逆自左而上血亦隨之先以少陽胆絡治。

生地 丹皮 澤蘭 茯苓

降香末 荷葉汁

張三耳目昏蒙甚於午前此屬少陽鬱勃之升嘔惡痰血多是絡熱治以開泄莫投滋膩

桑葉 丹皮 黑梔 連翹

菊葉 萹皮 川貝 橘紅

董七色蒼能食腕有積氣兩年秋冬曾有滄血此非虛損由乎體稟木火嗔怒拂逆肝胆相火擾動陽絡故也

臨證指南醫案 卷二 吐血 五

金斛

山梔

鬱金

丹參

川貝

蘇子

鈎藤

茯苓

又

接用清氣熱安血絡方。

生地

麥冬

玄參

知母

花粉

百部

桔梗

川貝

蜜丸

嚴

四

脈數濇小結痰血經年屢發仍不能納食應酬此非精

血損怯由乎五志過動相火內寄肝胆操持鬱勃皆令

動灼致絡血上滲濕痰火必靜養數月方安否則木火

劫燂胃傷減食病由是日加矣

丹皮

薄荷梗

菊花葉

黑梔

陰虛

淡黃芩

生白芍

鬱金

川貝

顏

入夏陽升疾走驚惶更令諸氣益升飲酒多食櫻桃
皆辛熱甘辣絡中血沸上出議消酒毒和陽

生地

阿膠

麥冬

嘉定花粉

川斛

小黑穠豆皮

沈

脈左堅上透是肝腎病血色紫乃既離絡中之色非
久瘀也勞役暑蒸內陰不生有諸做瓊玉意仍是陰柔
之通劑

鮮生地

人參

茯苓

琥珀末

張

血止脈左大

天冬

生地

人參

茯神

炙草

生白芍

女貞

旱蓮

顧八

脈左堅陰傷失血致咳

復脈去參桂薑加白芍

凡咳血之脈右堅者治在氣分係震動胃絡所致宜

薄味調養胃陰如生扁豆茯神北沙參苡仁等類左

堅者乃肝腎陰傷所致宜地黃阿膠枸杞五味等類

脈弦脇痛者宜蘇子桃仁降香鬱金等類成益盈碗

者葛可久花蕊石散仲景大黃黃連瀉心湯一症而

條分縷晰從此再加分別則臨症有據矣

趙四

虛不肯復謂之損納食不充肌膚卧眠不能着左遇

節令痰必帶血脈左細右勁數是從肝腎精血之傷延及氣分倘能節勞安逸僅堪帶病永年損症五六年無攻病之理臟屬陰議平補足三陰法

人參

山藥

熟地

天冬

五味

女貞

此是丸方內藥

張四失血五六年脈虛氣喘不運不饑治在中下二焦望

其安穀精生勿許攻病為上

人參

炙草

白芍

茯神

炒熟地

五味

亦宜九

某七勞力血復來衝氣咳逆當用攝納為要

慎爾為之後之
 息夫遂以為得
 此仙法而任意
 廣用竟成習俗
 是以聖人惡作
 痛也

熟地 四錢

參三七 一錢

大淡菜 兩

牛膝炭 一錢

川斛 二錢

茯神 三錢

某四脈弦脇痛已緩血仍來

大淡菜 兩

參三七 一錢

牛膝炭 一錢

茯苓 二錢

川斛 三錢

小黑檉豆皮 三錢

某四失血後咳嗽咽痛音啞少陰已虧耗藥不易治

糯稻根鬚 兩

生扁豆 五錢

麥冬 三錢

川斛 一錢

北沙參 一錢

茯神 一錢

早服都氣丸淡鹽湯下

某三脈虛數失血心悸頭眩

大淡菜 五錢

牛膝炭 一錢

白扁豆 一兩

白茯苓 三錢

醒酒之物與乾荷煎能不倒胃

藕節三枚

糯稻根鬚五錢

某四血來稍緩猶能撐持步履乃稟賦強健者且能納穀

陽明未敗可驗而脈象細濇陰傷奚疑

北沙參一錢 扁豆一兩 參三七一錢 炒麥冬一錢

茯神三錢 川斛三錢

施二噎血數發是陽氣過動診脈已非實熱夏至一陰來

復預宜靜養迎其生氣秋分後再議 生脈六味去丹

澤加阿膠秋石蜜丸

張脈右弦數左細濇陰損失血後久咳食減便溏

熟地炭 茯神 建蓮 五味

芡實

炒山藥

某三四失音咽痛繼而嗽血脈來濇數已成勞怯幸賴能食

胃強勿見咳治咳庶幾帶病延年

治咳不火補氣非

細生地三錢

立參心一錢

麥冬一錢半

細川斛三錢

鮮蓮子肉一兩

糯稻根鬚五錢

沙三陰虛血後痰嗽必胃強加穀者陰藥可以效靈形羸

食少滋膩久用必更反胃靜養望其漸復

純陰丹開胃

熟地炭

萸肉

五味

川斛

茯神

芡實

建蓮

山藥

馬五脈左堅右弱木火易燃營液久耗中年春季失血嗽

六

痰由情志鬱結致傷。抑且少食。疴羸。古語謂瘦人之病。慮虛其陰。

生地

阿膠

北沙參

麥冬

茯神

川斛

某女脈左數。側眠嗽血。

生地

阿膠

麥冬

淡菜

生白芍

炙草

金氏脈細。左小促。乾咳有血。寒熱身痛。經水先期。漸漸色

淡且少。此臟陰傷及腑陽。奇脈無氣。內損成勞。藥難驟

效。

生地

阿膠

牡蠣

炙草

麥冬

南棗

盧氏沉着濃厚肝腎之血

熟地炭

炒杞子

炒歸身

牛膝炭

茯神

青鉛

砂仁末

又照前方去牛膝青鉛加桂圓肉天冬

繆_二勞傷血後咳夜

少清骨散加生地

耿_三久損交節血溢

青鉛六味去萸加炒牛膝川斛冲

熱童便服

某

脈細弦數陰分不足痰中帶紅腸風春溫之後再劫

津液以致上下失血風淫於內宜鹹寒

生地炭 阿膠 龜膠 玄參

白芍 女貞 茯苓 樞豆皮

陰虛陽升

陶二下虛陽動失血 六味去丹澤加阿膠淡菜

陳 日來寒暄不勻煩勞陽升咳喘震動絡血上沸診脈左數五心熱知饑納穀議育陰和陽方法

生地 清阿膠 天冬 麥冬 茯神

川斛 炒牛膝 青鉛 童便

陳 形瘦脈促數吸氣如喘痰氣自下上升此屬腎虛氣不收攝失血後有此及勞怯難愈大症用貞元飲

臨登旨有醫案 卷二 吐血 四

鄒一內傷驚恐肝腎臟陰日損陽浮引陰血以冒上竅二
氣不交日加寒熱骨熱咽乾不寐陰分虛其熱甚於夜

阿膠雞子黃湯

沈 勞動陽升血自左溢

大阿膠 參三七 甜北沙參 茯神

生白扁豆 炒麥冬

江二少壯情志未堅陰火易動遺精淋瀝有諸腎水既失
其固春木地氣上升遂痰中帶血入夏暨秋胃納不減
後天生旺頗好不致勞怯之憂但酒色無病宜節有病
宜絕經年之內屏絕必得却病

如八味丸必有
丹皮澤瀉此義
可思也

熟地 水製 萸肉 山藥 茯神 湖蓮

遠志 五味 黃柏 芡實 金櫻膏丸

陸十六知識太早真陰未充龍火易動陰精自泄痰吐帶血

津液被燥幸胃納安穀保養少動宜靜固陰和陽可痊

熟地 水製 萸肉 山藥 茯苓 芡實

遠志 五味 煅牡蠣 白蓮鬚 蜜丸

徐四二心腎精血不安火風陽氣熾失血眩暈心悸溺精若

過用心作勞不能復元矣

熟地 萸肉 山藥 茯神 芡實

遠志 建蓮 五味 海參膠

好奇無味

右加登七百有及言其
卷二吐血
早

彭十陰虛有遺痰嗽有血誦讀久坐陽升

桑葉 生扁豆 北沙參 麥冬

霍山石斛 生甘草 苡仁 茯苓

吳仁失血在五年前咳頻嘔噦氣自上衝逆乃下元精血之虛非外邪寒熱之咳痰出腥氣亦從下出節慾勿勞力胃壯可免勞怯 都氣丸 此方不切壯胃

周二左脈弦數失血後咳嗽音嘶少寐陰虧陽升不潛之候當滋養為主

生地炭 三錢 生牡蠣 五錢 阿膠 半錢 麥冬 半錢

茯苓 三錢 川斛 三錢

音斯九非宜

錢

風嗽挾火者服
桂枝必吐血百
試百驗

周三屢屢失血。飲食如故。形瘦面赤。稟質木火。陰不配陽。

據說服桂枝治外感。即得此恙。凡辛溫氣味宜戒。可以

無妨。六味加阿膠龜甲天冬麥冬純陰滋膩不成法

孫三形瘦脈數。寸口搏指。浮陽易動。上冒都屬陰精不旺。

幸胃納尚佳。數發不致困頓。然須戒酒淡慾。怡情靜養。

水足火不妄動。絡血自必寧靜矣。六味加龜甲秋石

趙二屢遭客熱傷陰。逢夏氣泄吐血。下午火升咳嗽。液虧。

陰火自灼。胃口尚健。安閑絕慾可安。

熟地 萸肉 龜甲 淡菜膠 五味

山藥 茯苓 建蓮 蜜丸

某。內經分上下失血爲陰絡陽絡是腑絡取胃臟絡論
脾今飲食甚少柔膩姑緩上下交病治在中焦其午火
升煩嗽亦因血去陰傷以胃藥從中鎮補使生氣自充
也。

人參

茯苓

白朮

炙草

扁豆

白芍

山藥

仍宜加血分藥

又因觸脇氣閃絡血復上過戌亥時自緩早上診脈細
促無神左目珠痛假寐喉息有音足脛冰冷皆血胃不
已孤陽上升從肝腎引陽下納法。

人參

熟地炭

炒杞子

茯神

淡菜

炒牛膝

四服

又

每下午戌亥少陰厥陰龍相上越絡中之血隨氣火上升考五行之中無形有聲莫如風火此皆情志之變動必須陽潛陰固方免反覆也

人參

河車膠

大熟地

五味失音不治

炒杞子

茯苓

炒牛膝

倘嗆逆有聲加青鉛喉痒痛加阿膠秋石火升用秋

石湯煎藥加女貞子便秘加鹹菴蓉柏子仁血止幾

日或涉思慮惱怒復有脇痛減食不甘乃少陽木火

犯脾當泄胆益土用四君加丹皮桑葉加減法亦不

此藥味是醫補
何治

扁登旨有醫書

卷一吐血

聖

凡屬有病必有
兩邪須放出路
方不成癩疾唯
氣血欲脫一時
急救不在此例
稍定即當思治
病之法矣

徐六脈左垂右弦陰精不足胃納亦少初冬痰中見紅冬
春寐有盜汗難藏易泄入夏當防病發諸凡節勞安逸
經年可望安康

熟地 阿膠 五味 萸肉 秋石

山藥 茯神 川斛 旱蓮草膏丸

又脈左細數肉消肌爍氣衝咳嗽嘔吐失血是肝腎內
損下元不主納氣厥陽上冒所致非肺咳矣當交夏氣
升血溢姑以鎮納望其血止青鉛六味加牛膝白芍
又脈兩手已和惟煩動恍惚欲暈議靜藥益陰和陽

三才湯加金箔

葉

請誦煩心五志之陽皆燃恰值芒種節陰未來復陽

氣升騰絡中血不寧靜隨陽泄以外溢午後上竅煩熱

陰不戀陽之徵致頭中微痛主以和陽鎮逆。

浮火抄風。

生地

阿膠

牛膝炭

生白芍

茯神

青鉛

杜二脈小數八尺澤夏季時令發泄失血形倦治宜攝固

下焦

熟地

萸肉

山藥

茯神

建蓮

五味

芡實

線魚膠

金櫻膏丸

蘇九脈左堅冬令失血能食而咳脊痛腰痠乃腎臟不固

少納腎脈虛餒。五液不承寐則口乾喉燥宜固陰益氣。

固本丸加阿膠芡實蓮肉丸

潘二形色充偉脈長關搏述冬季衄血痰血交夏不病蓋

夏月藏陰冬月藏陽陽不潛伏升則血溢降則遺精乃

稟陽體而性情喜動之累耳。

生地

熟地

天冬

麥冬

龜腹甲心

秋石

龍骨

遠志

梅九性情過動失血失血貴寧靜不宜疎動疎動則有泛

溢之虞瘦人陽有餘陰不足補陰潛陽法 補陰丸

某十五脈數咳血曾咯腥痰若作肺癆體質木火因煩勞陽

海參如何熬膏
若腥鹽之汁則
入食之而必嘔
者也造此說者
必有一人此人
不可學也

升逼肺。肺熱不能生水。陰愈虧而陽愈熾。故血由陽而
出也。當金水同治為主。
欲作肺癰宜用清肺煎藥

熟地 四兩 生地 二兩 天冬 二兩 麥冬 二兩 茯神 二兩

龜版 三兩 海參膠 二兩 淡菜膠 二兩 川斛膏 四兩 女貞 一兩

北沙參 二兩 旱蓮草 一兩 膠膏丸

鄒二向有失血是真陰不旺夏至陰生伏天陽越於表陰
伏於裏理宜然矣無如心神易動暗吸腎陰絡脈聚血
陽觸乃溢陰伏不固隨陽奔騰自述下有衝突逆氣血
湧如泉蓋任脈為擔任之職失其擔任衝陽上冲莫制
皆腎精肝血不主內守陽翊為血溢陽墜為陰遺腰痛

高者自南醫案
卷二 吐血

四五

足脛畏冷。何一非精奪下損現症。經言精不足者補之。以味。藥味宜取質靜。填補重着。歸下莫見血。以投涼。勿因嗽。以理肺。若此治法。元海得以立基。衝陽不來犯上。然損非旬日可復。須寒科更遷。凝然不動。自日逐安適。調攝未暇。縷悉也。

人參 三錢

熟地 炒鬆成炭四次 四錢

鮮河車膏 一錢 和服

茯苓 一錢

炒黑枸杞子 半錢

北五味 一錢 研

沙苑 半 一錢

紫石英 五錢 生研

以五味易牡蠣則無聲矣

血脫益氣。用人參熟地兩儀煎方。謂人參同陰藥則

補陰。茯苓人陽明能引陰藥入於至陰之鄉。河車血

肉溫養同石英收鎮衝脈兼以包固大氣之散越五味酸收領其氣液枸杞溫潤同沙苑之鬆靈入肝絡參方中之藥應乎取味况肝腎之病同一治也劉二脈左數八尺是真陰下虧先有血症畢姻後血復來下午火升嗆咳陰中陽浮保扶胃口以填陰

阿膠

淡菜

生扁豆

麥冬

炙草

茯神

婁二思慮太過心陽擾動吸傷腎陰時時莖舉此失血皆矯陽獨升夜不得寐歸家談笑怡情可安

人中白

龜腹甲

知母

黃柏

錢 交夏陽氣大升。陰根失涵。火升血溢。必在晡刻。冲年

大忌。身心少持。必使陽和陰守為要。

生地

阿膠

淡菜

牛膝炭

茯苓

川斛

某 口氣腥臊。血色渾濁。下元無根。恐難接續。還元事已

至急。與王先生同議攝陰陽法。

人參

川熟附

熟地

五味

炙草

青鉛

某 脈動極無序。血湧如泉。汗出畏冷。少焉熱躁。此無根

之陽上。胃血凝成塊。非涼藥可止。

既非涼藥可治
則炮薑為古人
之正治矣

熟地炭

生龍骨

茯神

五味

潯桂

生白芍

鹽水炒牛膝

又

人參

生龍骨

熟地炭

茯神

炒杞子

五味

立此二方其計窮矣

華二

陽動失血皆係陰虧。如心悸咽乾咳嗽都是陽浮土

亢必久進填實。臟陰斯浮越。自和面亮油光皆下虛少

納。都氣加龜版人乳粉蜜丸。

徐。陰根愈薄。陽越失交。初夏發泄。血湧吸短。心腹皆熱。

豈止瀆之藥可療。益氣攝陰。乃據理治法。

人參

熟地

五味子

變方無理

陰虛肝風動

羅

上年脇痺已屬絡傷。今夏四月陽氣升發絡中血沸。上溢陰分熱蒸。下午乃甚。喉痒而嗆。心中嘈雜。肝風內

震顯然。

鮮生地

阿膠

丹參

鹽水炒牛膝

女貞子

川斛

童便

龔

咳嗽繼以失血。經言三焦皆傷。喉痛失音。乃陰液無

以上承厥陽燔燎不己。病深難於奏功。憑理而論。鎮胃

制肝。乃和陽熄風之義。

淮小麥

南棗

阿膠

茯苓

北沙參

天冬

正末

陸脈數血後咳甚痰腥肢腫陽升內風鼓動最屬難治

生地 阿膠 天冬 麥冬

生白芍 茯苓

沈味進辛辣助熱之用致肺傷嗽甚其血震動不息陽

少潛伏而夜分爲甚清氣熱而不妨胃口甘寒是投與

內經辛苦急急食甘以緩之恰符

生甘草 玉竹 麥冬 川貝

沙參 桑葉

又肝陽易逆內風欲沸不得着左卧惡辛氣喜甘潤治

肝體用潤劑和陽

生地

阿膠

天冬

茯神

牡蠣

小麥

羅九血去絡傷陽氣上蒸胸脇微痛非有形滯濁脈得左

關前動躍如浮頭中微暈陽氣化風何疑

鮮生地

玄參心

麥冬

地骨皮

知母

川斛

又

左脈形畧斂仍堅微暈喉燥腕痛熱蒸陽明津衰厥陰陽風白動而胃氣欲逆大便不爽是其明徵熄風和陽必用柔緩少佐宣暢腕氣亦暫進之法

鮮生地

麥冬

火麻仁

桑葉

鬱金 生香附汁

又 復脈去參姜桂加白芍

血後衝
氣上逆

某

血後氣衝形寒法當溫納

茯苓 三錢

粗桂枝 八分

炙草 五分

五味 七分

陰陽血
虛

何

早晨未進飲食咳逆自下焦上冲有欲嘔之象虛里

左脇呼吸牽引震動背部四肢寒冷入暮心腹熱灼而

舌上乾辣夫陽虛生外寒陰虛生內熱陽屬腑氣主乎

外衛陰屬臟真主乎內營由絡血大去新血未充穀味

精華不得四布知味容納而健運未能自然脇右少舒

全係胃絡下焦陰精損傷中焦胃陽不振夏至初陰不

主來復交節絡血再動。總是既損難以驟復之徵。大意下焦陰陽宜潛宜固。中焦營衛宜守宜行。用藥大旨如此。至於潛心滌慮。勿擾情志。再於子午叅以靜功。俾水火交。陰陽偶。是藥餌已外工夫。皆培植生氣之助。養營湯去黃芪遠志。

又

自服養營湯。溫補足三陰臟法。半月來諸症皆減。惟

凌方如何可服

午餘心腹中熱未罷。凡精血久損。理必質重味厚填納空隙。祇因中焦運納不旺。况長夏時令熱最耗氣。議早進通陽守陰。晚用益中消暑。冀其生旺。非攻病也。

午服生脈散

服早

人參

熟地

杞子

當歸服此方不起矣

菴蓉

肉桂

茯神

五味

某 嫗 操持佛鬱五志中陽動極失血嗆咳有年皆緣性情
內起之病草木難以奏安今形色與脈日現衰憊係乎
生氣剋削慮春半以後地氣升陽氣泄久病傷損裡真
少聚冬春冷主藏總以攝補足三陰臟扶持帶病延
年就是人工克盡矣

人參

炒白芍

熟地炭

五味

炙草

建蓮

陰陽並
虛腎氣

馬五閱病原是腎虛嗽血年分已久腎病延傳脾胃遂食

上逆

減腹膨病是老勞難以速功行走喘促元海無納氣之
權莫以清寒理嗽急急收納根蒂久進可得其益

人參

人乳粉

坎炁

枸杞

沙苑

五味

茯苓

胡桃

宋

臟脈附背督脈行身之背足少陰真氣不攝唾中有

血吸氣少入而腰脊痠楚寐泄魄汗皆真氣內損若加

嗔怒再動肝陽木火劫燥脂液春木日旺調之非易

水製熟地

蜜炙五味

女貞

茯苓

川斛

炒山藥

芡實

湖蓮

陰中陽虛

袁三六下虛當春升之令形奕無力嗽血復來以甘溫厚味

養其陰中之陽

枸杞

沙苑

歸身炭

牛膝

巴戟

精羊肉

中下損及

錢

一陽初萌血症即發下焦真氣久已失固亡血後飲食漸減咳嗽則腕中引痛衝氣上逆乃下損及中最難痊愈擬進攝納方法

人參

熟地

五味

茯神

川斛

紫衣胡桃

調入鮮河車膠

王七少年陰火直升直降上則失血咳逆下墜肛瘍延漏皆虛勞見端食減至半胃關最要非可見熱投涼以血

嗽泥治。

熟地炭

建蓮

霍石斛

茯神

炒山藥

芡實

某三診脈數濇咳血氣逆晨起必嗽得食漸緩的是陰損及陽而非六氣客邪可通可泄法當養胃之陰必得多納穀食乃治此損之要着

生扁豆

五錢

北沙參

一錢

麥冬

一錢

川斛

三錢

生甘草

三分

茯神

三錢

南棗肉

一錢

糯稻根鬚

五錢

鄭二虛損四五年肛漏未愈其咳嗽失血正如經旨陰精不主上奉陽氣獨自升降奈何見血投涼治嗽理肺病

加反覆胃困減食。其精生於穀中。土運納則一氣常在。

久病以寢食為要。不必汲汲論病。

生黃芪 黃精

蘇米糖入口 訶子肉

白芨

苡仁

南棗

淡水熬膏不用蜜收。暑飢用五錢參湯送。

虛 脾腎兼

某五向衰之年。夏四月時令陽氣發泄。遇煩勞身中氣泄。

絡血外溢。臟液少。涵遂痰嗽不已。俗醫見嗽。愈投清肺。

滋陰。必不效驗。此非少年情慾陰火之比。必當屏煩戒。

勞。早進都氣。晚進歸脾。平補臟真。再用嗽藥。必然胃減。

姜九。自上年冬失血。漸形減氣弱。精血內損。不肯再復。延。

成勞怯。填養精血。務在有情。庶幾不奪胃氣。

胃氣

五味同河車熟地服胃氣必創

人參 鮮河車膠 水製熟地 五味

茯苓 山藥 芡實 黑殼建蓮

顧六失血。血形濃厚。必自下先傷胃。減無力。氣分亦損。此

陰藥中。必兼扶胃。非沉滯清寒所宜。

人參 熟地 建蓮 芡實

山藥 茯苓

邵六脈。堅形瘦久。咳失血有年。食物厭惡。夜寢不適。固以

培本為要。所服七味八味湯丸。乃肝腎從陰引陽法。服

之不效。此液虧不受桂附之剛。當溫養攝納。其下兼與

益胃津以供肺

最傷人者嗽也
此生死所關不
論如何治法必
此藥也

服晨
熟地 菴蓉 杞子 五味 胡桃肉

牛膝 柏子仁 茯苓 蜜丸

服噴
人參 麥冬 五味 炙草 茯苓

鮮蓮子 山藥

胡三四冬季失藏吐血四月純陽升泄病不致發已屬萬幸

其痰嗽未宜窮治用藥大旨迎夏至一陰來復兼以扶
培胃氣為要

人參 熟地 麥冬 五味

茯苓 山藥

王八十冲年形瘦腹脹食減便澹自上秋失血以來日加孱

勞傷中
氣虛

臨登指有醫案
卷二 吐血

五

服此嗽止矣

弱脈左堅右濇。雖陰虛起見而中焦為急。此非小恙。

人參

茯苓

炙草

白芍

廣皮

厚朴

肅

半月前恰春分。陽氣正升。因情志之動。厥陽上燔。致

咳震動絡中。遂令失血。雖得血止。診右脈長大透寸部。

食物不欲納。寐中呻吟。言語由至陰損及陽明。精氣神

不相交合矣。議斂攝神氣法。

人參

茯苓

五味

棗仁

炙草

龍骨

金箔

又服一劑。自覺直入少腹。腹中微痛。逾時自安。此方斂

手少陰之散失以和四臟不爲重墜至於直下者陽明胃虛也脈緩大長肌膚甲錯氣衰血虧如繪姑建其中參芪建中湯去薑

又照前方去糖加茯苓

又診脾胃脈獨大爲病飲食少進不喜飲水痰多嗽頻皆土衰不生金氣金匱謂男子脈大爲勞極虛者亦爲勞夫脈大爲氣分泄越思慮鬱結心脾營損於上中而陽分萎頓極虛亦爲勞爲精血下奪肝腎陰不自立若脈細欲寐皆少陰見症今寢食不安土中爲急况厥陰風木主令春三月木火司權脾胃受戕一定至理建中

理陽之餘。繼進四君子湯。大固氣分。多多益善。

徐四因積勞久嗽見血。是在內損傷。先聖曰。勞者溫之。損

者益之。溫非熱藥。乃溫養之稱。甘補藥者。氣溫。煦味甘

甜也。令醫見血投涼。見嗽治肺最多。予見此治法。胃口

立即敗壞者不少。歸脾去木香黃芪加杞子

杜八積勞思慮內損失血。久病秋季再發。乃夏暑氣泄。勞

則氣愈泄。不收。絡空動沸。此與陰虛有別。色脈胃減涼

降非法。人參建中湯

龐血大去。則絡脈皆空。其傷損已非一腑一臟之間矣。

秋分寒露。天氣令降。身中氣反升。越明明裏不肯收攝。

一語是正訣但
用藥能不悖否

虛象何疑。今診脈弱濡瀼。肢節微冷。氣傷上逆。若烟霧
迷離薰灼喉底。故作嗆逆。大旨以上焦宜降。宜通。下焦
宜封。宜固。得安。穀崇土。再商後法。

人參

炒黑杞子

炒黑牛膝

茯神

生苡仁

炒山藥

又

血止納穀甚少。不饑泄瀉。此脾胃大困。陰火上觸。面
赤忽嘈。先理中宮。必得加餐為主。大忌寒涼。治嗽再伐
脾胃生氣。

人參

茯神

新會皮

山藥

炙草

炒白芍

又脈右濡左未斂。

人參

茯神

熟朮

廣皮

山南棗

又左脈靜而虛右如數初進穀食宜培中宮霜降後五

日以丸劑攝下

人參

茯神

熟朮

廣皮

南棗

炒白芍

炙草

陳

脈如數痰嗽失血百日來反覆不已每咳嘔而汗出

此屬氣傷失統絡血上泛凡寒涼止血理嗽不但敗胃

妨食決無一效從仲景元氣受損當進甘藥冀胃土日

旺柔金自寧

黃芪

生白芍

五味

炙草

南棗

飴糖

某

勞傷嗽血。

生黃芪皮

三錢

茯苓

三錢

炙黑甘草

五分

黃精

三錢

南棗

三錢

錢

四形神積勞氣泄失血食減喘促由氣分陽分之傷非

酒色成勞之比

黃芪建中湯去姜桂

陸

脈細形瘦血後久咳不已復加喘促緣內損不肯充

復所投藥餌肺藥理嗽居多當此天令收肅根蒂力怯

無以攝納陰乏戀陽多升少降靜坐勉可支撐身動勃

勃氣泛。所納食物。僅得其悍氣。未能充養精神矣。是本
身精氣暗損。爲病非草木。攻滌可却。山林寂靜。兼用元
功。經年按法。使陰陽漸交。而生生自振。徒求諸醫藥。恐
未必有當。建中湯去姜。加茯苓。

董三此內損症。久嗽不已。大便不實。夏三月。大氣王。泄血
吐後。肌內麻木。骨痠痠疼。陽明脈絡不用。治當益氣大
忌肺藥。清潤寒涼。

黃芪

炙草

苡仁

白芨

南棗

米糖

李三飲酒少。穀中氣先虛。酒力溫散。助熱絡血。隨熱氣以

上沸血止之後頓然食減脘痞顯是中氣已困敗靜坐
稍舒煩言咳急當以調中爲急若見血見咳卽投寒涼
清陽愈傷日就敗壞矣雖酒客忌甘然救其苦寒藥傷
勿拘此例方不切戊己去木加南棗

王入脈奕形勞失血 小建中加玉竹

顧入勞心神耗營損上下見血經年日衰今勉納穀不飢

中焦因不至運滋陰清肺更令傷中無却病好藥欲冀

其安須山居靜養寒暑無害方得堅固 異功散

錢七形瘦脈左數是陰分精奪自述談笑或多或胃中飢

虛必衝氣咳逆前年已失血盈碗此下損精血有形難

復以暑精飲食氣返不趨急以甘藥益胃中流砥柱病
至中不可緩矣

人參

扶神

炙草

山藥

許四勞倦傷陽形寒失血咳逆中年不比少壯火亢之嗽

血

黃芪建中湯不切

徐九奔走五日即是勞力動傷陽氣血從右起夜有冷汗

乃陽絡空隙而泄越矣凡治吐血之初多投涼血降氣

以冀其止孰知陽愈滲泄益增病劇屢矣

黃精

黃芪

炙草

苡仁

扶神

汪上肝風鳴張胃氣必虛酒客不喜柔膩肌柔色嫩質體

氣弱清明春木大旺理必犯土急宜培養中宮中有砥柱風陽不得上越而血可止矣。

人參

炒黃芪

炒山藥

茯苓

炒白芍

炙草

朱二秋暑失血初春再發診脈右大頗能納食金匱云男子脈大為勞極虛者亦為勞要之大者之勞是煩勞傷氣脈虛之勞為情慾致損大旨要病根驅盡安靜一年可愈。

生黃芪

北沙參

苡仁

炙草

白芨

南棗

某 勞力煩心失血。早食則運。暮食飽脹。疎補調中方。

人參 茯苓 炙草 生穀芽

廣皮 白芍

馮四脈弦勁。按之空豁。久嗽先有瀉血。大便不實。近又嗽

血是積勞久損。陰陽兩虧。今食不欲。餐先宜甘溫益氣。

但貧窘患此。參苓未能常繼。斯為難調。

不切數傷亦不宜
人參 黃芪 茯苓 炙草

苡仁 白朮

胃陽虛 衛疎

許四頻頻傷風。衛陽已疎。而勞怒亦令陽傷。此失血症當

獨理陽明。胃壯則肝犯自少。脈右空大可証。若三陰之

熱蒸脈必參於左部

此症服此方此人不活矣

傷風八局
人參 一錢

黃芪 三錢

炙草 五分

煨薑 一錢

南棗 二錢

又

甘溫益胃血止五日食腥嗔怒血咳復來不獨衛陽

疎豁絡脈空動若谷豈沉寒堵塞冀獲片時之效倘胃

口拒納無法可投按脈微瀉議治心營肺衛

人參

黃芪

炙草

南棗

白芨

茯神

棗仁

湯三脈細促右空大爪甲灰枯久嗽入春夏見紅食減身

痛形容日瘁是內損難復與養營法

人參

炒白芍

歸身

炙草

營虛

臨證百病皆營虛

吐血

五九

桂枝木

廣皮

煨薑

南棗

丁二夏七季痰嗽。入冬失血。自述晝卧安逸。微寒熱不來。則知二氣已損傷。身動操持。皆與病相背。脈大無神。面無膏澤。勞怯不復。元大著。溫養甘補。使寢食兩安。若以痰嗽為熱。日餌滋陰潤肺。胃傷變症。調之無益。

歸芪異功散

陳二失血前後心痛。歸建中去薑。

某形瘦色枯。脈濡寒熱。失血心悸。是營傷。歸芪建中。

去姜

某脈芤汗出。失血背痛。此為絡虛。

人參

炒歸身

炒白芍

炙草

棗仁

茯神

某氏失血半年。心悸忡脇下動。絡脈空隙。營液損傷。議甘

緩辛補

枸杞

不切

柏子仁

棗仁

茯神

炙草

桂圓

又

生地

阿膠

小麥

廣三七

烏賊骨

兔絲子

茯神

扁豆

夜服三錢

徐四館課之勞。心脾營傷。食酸助木。中土更虧。春陽王升。

血乃大吐。况茹素既久。當培土營陰。損極熱自內熾。非

實火也。歸脾湯去參。

陳三先患失血復遭驚駭。平素有遺泄。獨處藝語。是有形。

精血無形。神氣交傷。漫言治痰治血。真粗工卑陋矣。補。

精宜填。安神宜靜。然無形真氣為要。與心脾二經主治。

人參 一錢半 當歸 一錢半 茯神 三錢 棗仁 三錢 遠志 七分

炙草 三分 桂圓 二錢 龍齒 二錢 金箔 五張

必遇節血症。反覆脈弱。廢食脇痛。胃爽無治。咳止血之。

理扶得胃口受納。可商調理。

人參 炙黃芪 當歸炭 棗仁

茯神 炙草 桂圓肉

又歸脾去木香遠志加枸杞子

關二思鬱傷於心脾。二臟主乎營血。營出中焦。臟陰受損。

陰虛生熱。薰蒸絡脈。致血不寧。靜食少痰多。色澤少華。

皆虛象也。不宜久進涼潤嗽藥。當以錢氏異功散間進。

歸脾湯減木香。

馬六上秋下血。今年湧血。飲橘餅湯。甘辛。心中如針刺。營

枯液耗。不受辛藥。但以甘藥柔劑。與心脾有益。

人參

黃精

茯神

柏子仁

炙草

南棗

某老弱虛咳失血。

勞心過
度陽升

馮

生黃芪皮

歸身

煨姜

大棗

診脈左手平和尺中微動右手三部關前動數尺脈帶數夜卧不寐咳嗆有血晝日咳嗆無血但行走微微喘促夫陰陽互為樞紐隆冬天氣藏納緣煩心勞神五志皆動陽不潛伏當欲寐之時氣機下潛觸其陽氣之升衝脈升動絡中之血未得寧靜隨咳嗆溢於上竅至於步趨言談亦助其動搏氣火此咳嗆喘息失血同是一原之恙當靜以制動投藥益水生金以制君相之火然食味宜遠辛辣熱燥凡上實者必下虛薄味清肅上焦正謂安下令其藏納也愚見約方叅末俟裁

生扁豆一兩 麥冬二錢 川斛一錢 上阿膠二錢

小根生地二錢 真北沙參一錢

又 診脈同前述心中怯冷交四更咽中乾咳嗆連聲必

血已盈口論心營肺衛皆在上焦更擬斂心液滋肺津

一法。

炒棗仁五錢 鮮生地三錢 天冬一錢 炒麥冬一錢

茯神一錢 黑牛膝一錢 茜草一錢 參三七
半 半 一錢 一錢 一錢 磨冲

又 熟地四錢 生地二錢 天冬一錢 麥冬一錢

北沙參三錢 茯神一錢 卧時服天王補心丹

查十二舌辣失血易饑

心營熱

臨證指南醫案

卷二吐血

空

生地

玄參

連翹心

竹葉心

丹參

鬱金汁

陳

血止脈兩寸未和仍議心營肺衛方。

生地

生扁豆

麥冬

北沙參

丹參

茯苓

陳

夜熱邪迫血妄行議清營熱。

犀角

鮮生地

丹皮

白芍

邵

營熱失血。

生地

竹葉心

玄參

丹參

川斛

茯神

胃陰虛

王十二脈右大失血知饑胃陽上逆咽乾喉痒

生地

扁豆

玄參

麥冬

川斛

新荷葉汁

某四脈右濇初氣冲失血咳逆能食無味血來潮湧乃陽
明胃絡空虛血隨陽升而然法當填中為要着莫見血
治咳而用肺藥斯症可圖正在此歟

大淡菜

兩

生扁豆

錢五

麥冬

三錢

川斛

三錢

茯神

三錢

牛膝炭

半錢

陶六色黃脈小數右空大咳嘔血溢飲食漸減用建中旬
日頗安沐浴氣動血復至當以靜藥養胃陰方

凡失未定之時
僂樓必立吐無
不盡然並有以
此傷生者醫者
病者皆當知之

金匱麥門冬湯去半夏

郭

脈右部不鼓擊應指。惟左寸數疾。昨晚失血之因。因於僂樓拾物致陽明脈絡血升。今視面色微黃。為血去之象。不宜涼解妨胃。倣古血脫必先益氣理胃。又宜遠肝。

人參

秋石水拌烘

黃芪

阿膠

茯神

炙草

生白芍

宜用鎮墜之藥

王三腸紅愈後吐血一兩月必發。此陽明胃絡氣血皆多。故吐後寢食如昔。久發陰虧。仍有內損之憂。宜養肺胃之陰以和陽。

生黃芪

北沙參

麥冬

生甘草

茯神

元米湯煎不切

此宜大補陰血常用重劑

程二吐血數發。肢震面熱汗出。寐中驚惕。蓋陽明脈絡已虛。厥陰風陽上熾。飲食不為肌膚。皆消爍之徵也。

生黃芪

北沙參

生牡蠣

麥冬

小麥

南棗

程二脈左小數。右弦。食減不肌。易於傷風。大便結燥。冬春已見血症。夫胃陽外應衛氣。九竅不和。都屬胃病。由冬失藏聚。發生氣少。遇長夏熱蒸。真氣漸困。故也。急宜絕慾靜養。至秋分再議。

參鬚

黃芪皮

鮮蓮子

茯神

炒麥冬

生甘草

某。着右卧眠。喘咳更甚。遇勞動陽。痰必帶血。經年久嗽。

三焦皆病。麥門冬湯

華^三勞怒用力。傷氣動肝。當春夏。天地氣機皆動。病最易

發。食減過半。熱升冲咽。血去後。風陽皆熾。鎮養胃陰。勿

用清寒理嗽。

生扁豆

沙參

天冬

麥冬

川斛

茯神

又。衝氣攻腹。遶喉。乃肝胆厥陽肆橫。久久虛損。而嘔痰

減食皆犯胃之象。若不靜養，經年必甚。

甜北沙參 生白扁豆 生黃芪皮 茯神

炙草 白糯米半升泡清湯煎藥

徐 陰臟失守，陽乃騰越，咳甚血來，皆屬動象。靜藥頗合。屢施不應，乃上下交征，陽明絡空，隨陽氣升降自由。先以柔劑填其胃陰，所謂執中近之。金匱麥門冬湯去

半夏加黃芪

某五 失血後咳嗽不飢，此屬胃虛，宜治陽明。

此等方皆能愈病

甜北參 生扁豆 麥冬 茯神 川斛

陸 食酸助木，胃土受侮，腕中陽逆，絡血上溢，內經辛酸

高登旨南醫案 卷二 吐血 奎

太過都從甘緩立法。穀少氣衰，沉苦勿進。

生扁豆

北沙參

炒麥冬

茯苓

川斛

甘蔗漿

又

甘涼養胃中之陰，痰少血止，兩寸脈大，心煩脊熱，汗出，營熱氣泄之徵，議用竹葉地黃湯。

鮮生地

竹葉心

炒麥冬

建蓮肉

川斛

茯苓

陶

一四兩年前吐血咳嗽，夏四月起，大凡春盡入夏，氣機升泄而陽氣弛張極矣。陽既多動，陰乏內守之職，司絡血由是外溢。今正交土旺發泄，欲病氣候急，養陽明胃陰。

夏至後兼進生脈之屬勿步趨於炎熇烈日之中可望

其漸次日安。金匱麥門冬湯去半夏

王仁見紅兩年冬月加嗽入春聲音漸嘶喉舌乾燥診脈

小堅厚味不納胃口有日減之虞此甘緩益胃陰主治

必先定其麥冬 雞子黃 生扁豆 北沙參

地骨皮 生甘草

盧四脈大色蒼冬月嗽血納穀減半迄今乾咳無痰春夏

間有吐血夫冬少藏聚陽升少制安閑靜養五志氣火

自平可望病愈形瘦穀減當養胃土之津以生金

甜北參 麥冬 玉竹 木瓜

生扁豆 生甘草

其二脈右大左虛。夏四月。陽氣正升。煩勞過動。其陽絡中。血溢上竅。血去必陰傷。生熱。宜養胃陰。大忌苦寒清火。

北沙參 生扁豆 麥冬 生甘草

茯神 川斛

其二脈搏。血湧。飢易納食。風陽過動。而為消爍。若不自保。

攝餌藥無益。

生地 天冬 丹參 茯苓

生扁豆 川斛

倪三陽明脈弦空。生血後。咽痺。即噎。是納食雖強。未得水。

上諸方千首
一例並無意者
而編書者一
不遇徒費筆墨
其人之無識無
學拙矣

穀精華之游溢當益胃陰

北沙參

生扁豆

麥冬

杏仁

生甘草

糯米湯煎

徐三失血能食痰嗽色蒼脈數可與甘涼養胃中之陰胃

和金生痔血便燥柔藥最宜

生扁豆

生地

天冬

麥冬

銀花

柿餅灰

側柏葉

某

失血咽乾

稽豆皮

錢三丹參一錢

麥冬不須可用一錢

半

川斛

半一錢

藕汁

一小杯

陳

胃虛客氣上逆為呃噫痰帶血星咽中微痛姑擬鎮

逆胃虛氣

高登旨有醫案

卷二吐血

宅

攝法

人參

熟地炭

五味

茯神

青鉛

非治呢藥

又 照前方去青鉛加麥冬川斛遠志炭

和肝胃不

孫三五脈小弦血去食減服地黃柔膩反覺呆滯且不喜肥

甘議兩和肝胃

蘇子

茯苓

金石斛

降香

鈎藤

黑山梔

蔡九三新沐熱蒸氣泄絡血上溢出口平昔痰多又不渴飲

而大便頗艱此胃氣不得下行為順之旨兼以勞煩嘔

怒治在肝胃

金石斛

紫降香

炒桃

橘紅

苡仁

茯苓

萬

脈數左堅當夏四月陽氣方張從蒸怒而陽勃升

絡血上湧雖得血止而咳逆欲嘔眠卧不得欲左此肝

陽左升太過木失水涵陰虧則生熱是皆本體陰陽迭

偏非客邪實火可清可降之比最宜恬澹無為安靜幽

閒經年不反可望轉偏就和但圖藥治胃減損怯矣經

云胃欬之狀欬逆而嘔木犯胃土貫膈即至冲咽入肺

肺衰木反刑金從內經甘緩以制其急

米炒麥冬

糯稻根鬚

女貞子

茯苓

生甘草 南棗肉

又 乙癸同治益胃養陰

人參 秋石湯洗 烘乾為末 生地 熟地 天冬

麥冬 以人參末收實

某 血去胃傷當從中治况五年前勞怒而得病肝木無
不尅土醫者溫補競進氣壅為脹至夜咽乾無寐食物
不思杳不知味為嘔為咳全是胃陽升逆經云胃不和
則卧不安而陽不潛降似屬濁氣膠痰有形之物阻撓
升降而然古人有二虛一實當先治實以開一面之文
余從胃病為主制肝救中理氣清膈乃不足中有餘圓

通之治。此機勿得亂治。

人參

枳實

半夏

杏仁

甘草

竹茹

生薑

大棗

李

暴怒。肝陽大升。胃絡血湧甚多。已失氣下行。為順之
旨。仲淳吐血。三要云。降氣不必降火。目今不飢不納。寒
膩之藥所致。

炒蘇子

降香汁

山梔

炒山查

鬱金

茯苓

川斛

丹參

某

左脈細堅搏指。肝陽逆。失血汗。

熟地

五味

炙草

牛膝

白芍

桂心

童便冲

李氏脈細小如無素多鬱怒。經來即病。冬月胃痛。隨有咯血不止。寒戰面赤。驚惕頭搖。顯是肝陽變風。絡血沸起。四肢逆冷。真炁衰微。內經有肝病暴變之文。勢豈輕渺。議用景岳鎮陰煎法。制其陽逆。仍是就下之義。

熟地炭

牛膝炭

肉桂

茯神

生白芍

童便

又

經來血止。肝病何疑。

此乃衝任為病。非肝病也。此老唐談道。經今反不資。尚經治何也。

炒查肉

當歸

炒延胡

澤蘭

桃仁

茯苓

肝氣

沈氏血後久咳。腕痛食減。經閉便澹。擬進疎泄肝氣。

蘇子

炒丹皮

桃仁

鬱金

吳 鈎藤 白芍

阻 血絡連

蔡三 水寒外加驚恐。內迫陰瘡。三年繼患嗽血。迄今七年。

未有愈期。詢及血來紫塊。仍能知味安穀。叅其瘡傷驚傷。必是肝絡凝瘀。得怒勞必發。勿與酒色傷損。亂投滋陰膩濁之藥。恐胃氣日減。致病漸劇。

劉 桃仁 三錢

驚甲 三錢

川桂枝 七分

歸鬚 一錢

大黃 五分

羌蔚子

錢 二二久病必改補兼施無復用

柴 勞傷寒煖不勻。脇痛嗽血。食物不減。宜降氣和絡。

命登指有醫案

卷二吐血

半

蘇子

茯苓

降香

橘紅

桔梗

苡仁

韭白汁

陸

交春分前五日肝木升旺之候。涎血大吐。胸膈不爽。

此久鬱氣火灼熱神志失守。遂多驚恐。絡中之血隨火升氣逆而上。當先降其氣。不宜寒苦得阻。

蘇子

降香

丹參

查肉

桃仁

鬱金

茯苓

黑梔皮

吳

脈瀉能食咳血

降香

桃仁

鬱金

蘇子

炒山查

苡仁

韭白汁

冲入

姚^四此勞傷身動失血。脇有痠聚。因咳甚而血來。先宜降氣。

蘇子 苡仁 茯苓 黑山梔 丹皮

降香 荆芥炭 牛膝炭 藕汁

吳^三形畏冷寒熱左脇有宿痞失血咳嗽曾驟勞力經年
疴羸藥不易效

旋覆花 新絳 歸鬚 炒桃仁

柏子仁 茯神

何^七左乳傍脇中常似針刺汗出心嘈能食此少陽絡脈
陽氣燔灼都因謀慮致傷將有絡血上湧之事議清絡

宣通勿令瘀着。

生地

丹皮

澤蘭葉

桃仁

鬱金

琥珀末

又服通絡方。瘀血得下。新血亦傷。嘈雜善飢。陽亢燔灼。營陰不得涵護也。仍以和陽熄風方法。

阿膠

雞子黃

生地

麥冬

生甘草

生白芍

王仁吐血後不飢。胸背痛。

蘇子

桔梗

鬱金

萸皮

山梔皮

降香

羅八因左脈堅搏。兩投柔劑和陽益陰。血未得止。而右胸似痞。左脇中刺痛。此少陽絡脈經由之所。夫膽為清淨之腑。陰柔滋養。未能宣通絡中。是痛咳未罷。議以辛潤宣暢通劑。

桃仁 丹皮 歸鬚 柏子仁

澤蘭 降香末 黑山梔皮

又 照前方去降香末。澤蘭加黑山梔皮。

又 辛潤痛嗽皆減。畧進苦降。脇右皆痛。不但絡空。氣分

亦餒。古人以身半以上為陽。原無取乎沉苦。

桃仁 柏子仁 鮮生地 玄參 鮮銀花

吐血 七

程一脈左弦右小濡。據病原起於憂鬱鬱勃久而化熱蒸迫絡脈血爲上溢凝結成塊者。離絡留而爲癥也。血後納食如昔。是腑絡所貯頗富。况腑以通爲用。血逆氣亦上併漉漉有聲。皆氣火旋動。非有形質之物。凡血病五臟六腑皆有。是症當清陽明之絡爲要。至於病發當治其因。又不必拘執其常也。

枇杷葉

苡仁

茯苓

蘇子

桑葉

丹皮

炒桃仁

降香末

某二努力咳血。胸背悉痛。當用仲淳法。

蘇子

降香汁

炒丹皮

苡仁

冬瓜仁

炒桃仁

牛膝

川貝母

某冬令過溫。人身之氣不得潛藏。陰弱之質。血隨氣逆。

診得陽明脈動。吐出痰黑。絡中離位之血。尚有未可以

止瀉為事。

生地

丹參

丹皮

降香

桃仁

牛膝

韭汁

童便

冲

某肝逆失血。

蘇子

鬱金

降香汁

炒丹皮

鈎藤

赤芍

丹參

茯苓

白糯米湯煎

侯九胃脘當心。肝經交絡所過。上布於肺。咳嗽胃旁作瘻。

腹脹。絡氣逆也。當慮失血。脈數能食。宜和絡氣。

生地 桃仁 桑葉 丹皮

麥冬 茯神

血絡痺 胸脇痛 陳二 吐血八日。腕悶脇痛。肢冷絡傷。氣窒先與降氣和血。

蘇子 鬱金 杏仁 茯苓

桃仁 降香

翁二 問誦讀靜坐。痰血夏發。入冬不已。胸脇痛引背部。脈

小微瀉。非慾傷陰火。夫痛為絡脈失和。絡中氣逆。血上

宗神淳氣為血帥。

蘇子 苡仁 茯苓 山查

桑葉

丹皮

降香末

老韭白

江診脈數。涕有血。嗽痰冷熱。外因動肺。緣素患肝痺。左

脇不耐。卧着恐陽升。血溢微用苦辛泄降。不宜通劑。

黑山梔

桑葉

花粉

知母

瓜蒌皮

降香

沈左脇脊脹。攻觸作楚。咳痰帶血。無非絡中。不得寧靜。

姑進降氣通絡方

降香汁

蘇子

苡仁

茯苓

橘紅

鈎藤

白朮

韭白汁

又脈右長。滄血仍宜降氣。

蘇子

苡仁

茯苓

山梔

丹皮

鈎藤

鬱金

金九 飢飽勞力氣逆血瘀胸痛嘔吐此液耗陽升上逆不

已血無止期先宜降氣通調莫與膩塞

蘇子

降香

桃仁

丹參

韭白汁

山梔

茯苓

某四 脈弦失血脇痛氣逆

枇杷葉

冬瓜子

蘇子

苡仁

炒丹皮

桃仁

降香汁

牛膝炭

方二 憂思怫鬱五志氣火內燔加以烟辛泄肺酒熱戕胃

錢三

錢三

錢一

錢三

錢一

錢三

分八

錢一

精華營液為熱蒸化敗濁。經云陽絡傷則血外溢。蓋胃絡受傷。陽明氣血頗富。猶勉強延磨歲月。至於陽明脈絡日衰。斯背先發冷。右脇痠疼。而咳吐不已。胃土愈憊。肝木益橫。厥陽愈逆。穢濁氣味無有。非自下泛上。大凡左升屬肝。右降屬肺。由中焦胃土既困。致有升無降。壅阻交迫。何以着左卧。眠過其升逆之威。且煩蒸熱灼。並無口渴飲水之狀。病情全在血絡。清熱滋陰之治。力量不能入絡。茲定清養胃陰為主。另進通絡之義。肝膽厥陽少和。冀其涎少。脇通積久沉痾。調之非易。

桑葉

丹皮

薏仁

蘇子

鈎藤

鬱金

降香

桃仁

又桑葉

枇杷葉

苡仁

大沙參

蘇子

茯苓

鬱金

降香

又早服瓊玉膏

胡^六有年冬藏失司。似乎外感熱熾。辛散苦寒。是有餘實

症治法。自春入夏。大氣開泄。日見慙慙。衰倦。呼吸喉息

有聲。脇肋窒板。欲痛。咯。嗆。紫。血。絡。脈。不。和。議。以。辛。補。通

調。不。致。寒。凝。燥。結。蠶。兔。關。格。上。下。交。阻。之。累。

柏子仁

細生地

當歸鬚

桃仁

降香

茯神

怒勞血

石^三先有骨痛鼓慄。每至旬日必吐血碗許。自冬入夏皆然。近僅可仰卧。着右則咳逆不已。據說因怒勞致病。都是陽氣過動而消渴。舌翳仍納穀如昔。姑以兩和厥陰陽明之陽。非徒泛泛見血見嗽為治。

石膏

熟地

麥冬

知母

牛膝

又

石膏

生地

知母

丹皮

大黃

桃仁

牛膝

蔣^六宿傷怒勞動肝。血溢紫塊。先以降氣導血。

蘇子

降香末

桃仁

黑山梔

金斛

製大黃

又 天地杞圓加棗仁茯神

某 形盛脈弦目皆黃咳痰粘濁嘔血此胃有濕熱膠痰

因怒勞動肝故左脇中痛血逆而上非虛損也當薄味

靜調戒嗔怒百日可却

蘇子 降香 廣皮白 生薑 桃仁

鬱金 金斛 六服後接服海粉丸半筋

某 向有背痛尚在勞力氣逆咳血乃勞傷病也

歸建中去薑加茯苓

某 入努力傷絡失血面黃口中味甜腕中煩悶衝氣病在

肝胃勿以失血治以滋膩

勞力傷

旋覆花 代赭石 半夏 淡乾薑

塊茯苓 南棗肉

呂九脈數上出右脇上疼則痰血上溢必因嗔怒努力勞
煩致絡中氣阻所致宜安閑靜攝戒怒慎勞一歲之中
不致舉發可云病去

降香末冲八分 炒焦桃仁三錢 丹皮一錢 野鬱金一錢

茯苓三錢 黑山梔一錢 丹參一錢 橘紅一錢

吳氏氣塞失血咳嗽心熱至暮寒熱不思納穀此悒鬱內
損二陽病發心脾若不情懷開爽服藥無益

阿膠 麥冬 茯神 白芍

高登指有醫案 卷二吐血 七

此老治血症其
護論大端不信
于古而用藥全
然不知此等醫
案貽誤後人不
可紀極無容不
辯

其大犯在用者
冬五味玉竹沙
參夫麥冬乃補
肺之重劑肺氣
虛極氣不能續
則用之以補肺
氣然仲景往往
與半夏同用如
麥門冬湯竹葉
石膏是也蓋防

北沙參 女貞子

李氏情志久鬱氣逆痰喘入夏咳血都因五志陽升况腕

有聚氣二年寡居隱曲不伸論理治在肝脾然非藥餌

奏功

降香末 枇杷葉 蘇子 鬱金

瓜蒌皮 黑梔皮 茯苓 苡仁

吳氏鬱損咳血頻發當交節氣逆嘔吐肢冷厥逆所現俱

是虛勞末路豈是佳景勉擬方

生白芍 烏梅 炙草 炒麥冬

茯神 橘紅

具寒厥耳若吐
 血咳喘乃肺家
 痰火鬱踞之病
 豈宜煖補從此
 無愈日矣至五
 味之酸一味收
 斂仲景用之以
 治上氣咳逆肺
 脈不合之症然
 必與乾姜同用
 以辛散寒邪從
 無獨用者今吐
 血之嗽火邪入
 肺痰凝血湧惟
 恐其不散不降
 乃反欲其痰火
 收往肺中不故
 一毫出路是何
 法也其沙參王
 竹之補肺大畧

張氏失血。口碎舌泡。乃情懷鬱勃內因。營衛不和寒熱再

熾。病鬱延久為勞。所喜經水尙至。議手厥陰血分主治。

犀角 金銀花 鮮生地 玄參

連翹心 鬱金

失血一症。名目不一。茲就上行而吐者言之。三因之

來路宜詳也。若夫外因起見。陽邪為多。蓋犯是症者。

陰分先虛。易受天之風熱燥火也。至陰邪為患。不過

甘中之一二耳。其治法總以手三陰為要。領究其病

在心營肺衛如何。若夫內因起見。不出乎嗔怒鬱勃

之激傷肝臟。勞形苦志而耗損心脾。及恣情縱慾以

相疇嗚呼此又
不明後世永無
吐血不死之人
矣舉世盡然今
為尤甚傷哉

古時虛勞與吐
血確是二病虛
勞是虛寒症以
溫補為主吐血
之症不一大概
屬陰虛火旺者
為多此老頗得
言之鑿鑿但有
時仍以建中陽
為治則又誤以
仲景虛勞治法
混入吐血門中
終是胸臆定見

賊腎臟之真陰真陽也。又當以足三陰為要領。再審其乘侮制化如何。若夫不內不外因者。為飲食之偏好。努力及墜墮之傷。治分臟腑經絡之異。要知外因而起者。必有感候為先。裡因而起者。必有內症可據。此三因根蒂用藥。切勿混亂。大凡理肺衛者。用甘涼肅降。如沙參、麥冬、桑葉、花粉、玉竹、川斛等類。治心營者。以輕清滋養。如生地、玄參、丹參、連翹、竹葉、骨皮等類。以此兩法為宗。隨其時令而加減。若風淫津涸。加以甘寒。如蘆根、蔗汁、薄荷、羚羊之品。若溫淫火壯。參入苦寒。如山梔、黃芩、杏仁、石膏之品。若暑逼氣分。佐

也五十年吐血者極少諸前輩無不以服補肺藥爲戒所以死者絕少目今吐血者十人而五不服藥者無不生服麥冬五味者無不死此雖時令使然而藥誤亦不少也可不畏哉

醫案亦多重復可刪大半十回八九令閱者厭煩編書無識可笑

滑石鮮荷之開解在營與銀花犀角之清芳秋令選純甘以清燥冬時益清補以助藏凡此爲外因之大畧所云陰邪爲患者難以並言也舊有麻黃人參芍藥湯先生有桂枝加減法至於內因傷損其法更繁若嗔怒而動及肝陽血隨氣逆者用繆氏氣爲血帥法如蘇子鬱金桑葉丹皮降香川貝之類也若鬱勃日久而傷及肝陰木火內燃陽絡者用柔肝育陰法如阿膠雞黃生地麥冬白芍甘草之類也若勞煩不息而偏損心脾氣不攝血者用甘溫培固法如保元湯歸脾湯之類也若縱慾而竭其腎真或陽亢陰騰

或陰傷陽越者。有從陰從陽法。如青鉛六味。肉桂七
 味。並加童便之類也。若精竭海空。氣泛血湧者。先生
 用急固真元大補精血法。如人參枸杞五味熟地河
 車紫石英之類也。凡此為內因之大畧。至於不內不
 外。因亦非一種。如案中所謂烟辛泄肺。酒熱戕胃之
 類。皆能助火動血。有治上治中之法。如葦莖湯。甘露
 飲。茅根藕汁等劑。在人認定而用之可也。墜墮之傷。
 出血瘀而泛。大抵先宜導下。後宜通補。若努力為患。
 屬勞傷之根。陽動則絡鬆血溢。法與虛損有間。滋陰
 補氣最忌凝滯。如當歸建中湯。旋覆花湯。虎潛丸。金

剛四斤丸。取其有循經入絡之能也。凡此爲不內外
因之大畧。但血之主司者。如心肝脾三臟。血之所生
化者。莫如陽明胃腑。可見胃爲血症之要道。若胃有
不和。當先治胃也。仁齋直指云。一切血症。經久不愈。
每每以胃藥收功。想大黃黃連瀉心湯。犀角地黃湯。
理中湯。異功散。雖補瀉寒溫不同。確不離此旨。所以
先生發明治胃方法。獨多有薄味調養胃陰者。如金
匱麥冬湯。及沙參扁豆茯苓石斛之類。有甘溫建立
中陽者。如人參建中湯。及四君子加減之類。有滋陰
而不得胃。甘守津還者。如復脈湯加減之類。其餘如

補土生金法。鎮肝益胃法。補脾疎胃法。寧神理胃法。
腎胃相關法。無分症之前後。一遇胃不加餐。不饑難
通諸候。每從此義見長。源源生化不息。何患乎病之
不易醫也。邵新甫

聖中藥異也。精饒補藥。歸經不同。藥不辨出。首領以
君。每起胃藥。亦收。惡大黃。黃芩。小蘇。氣。魚。批。黃。野
不味。當淡。命。胃。也。口。液。面。語。云。六。時。血。並。熱。火。不。愈
外。香。艾。散。則。地。則。亂。何。根。胃。滋。血。藥。文。變。首。將。胃。許
因。之。大。器。母。血。之。至。而。香。吸。心。和。氣。三。難。血。之。酒。半
兩。四。式。以。其。香。散。入。絲。之。前。也。且。其。為。不。如。水

失音

寒熱客邪迫肺

吳^三外冷內熱久逼失音用兩解法麻杏甘膏湯

宋^三先失音繼喉痺是氣分窒塞微寒而熱水飲滄出咯痰隨出隨阻此仍在上痺舌黃口渴議與苦辛寒方

射干

麻黃

杏仁

生甘草

石膏

苡仁

陸^二秋涼燥氣咳嗽初病皮毛凜凜冬月失音至夏未愈而納食頗安想屢經暴冷暴煖之傷未必是二氣之餒

倣金實無聲議治

麻黃 杏仁 生甘草 石膏

射干 苡仁

又 蘆根汁 杏仁汁 萊菔汁 鮮竹瀝 熬膏

胆火燥 喉 范三 氣燥 喉痺 失音 少陽木火犯上

生雞子白 冬桑葉 丹皮 麥冬

生白扁豆殼

氣分燥 津液虧 某 喉乾 失音 一月未復 津液不上 供肺失清肅 右寸脈

浮大

枇杷葉 一錢半 馬兜鈴 八分 地骨皮 一錢 桑皮 八分

麥冬 一錢 生甘草 三分 桔梗 六分 白粳米 二錢

失血津液虧

某

血後音啞便溏

生扁豆

炒白芍

炙草

川斛

山藥

米糖

大棗

何

勞損氣喘失音全屬下元無力真氣不得上注紛紛

清熱治肺致食減便溏改投熱藥又是劫液宜乎喉痛

神疲矣用補足三陰方法

熟地

五味

炒山藥

茯苓

芡實

建蓮肉

孫

久咳失音喉痺

陳阿膠

同煎二錢

生雞子黃

同煎一枚

炒麥冬

一錢

川斛

三錢

陰虛

此諸項失音皆
有可愈之理惟
用麥冬五味熟
地桔梗等藥補
住肺家痰火以
致失音則百無
一生獨不盲及
何也

甜北沙參

一錢半

炒生地

二錢

生甘草

三分

茯苓

一錢半

神

三錢

夫宮商角徵羽歌哭呼笑呻此五臟所屬之音聲也。原其發聲之本在於腎其標則在乎肺病有虛實出咳嗽而起者居多或肺有燥火外感寒邪火氣鬱遏而瘖者有肺金燥甚木火上炎咽乾喉痺而瘖者有風熱痰涎壅遏肺竅而瘖者有嗔怒叫號致傷會厭者亦有龍相之火上炎凌爍肺金久咳不已而瘖者有內奪而厥則為瘖非此腎虛也是即暴中之不能言者也先生有金空則鳴金實則無聲金破碎亦無聲此三言足以該之矣有邪者是肺家實也無邪者

是久咳損肺。破碎無聲也。其治法有寒者散寒。有火者清火。有風痰則祛風豁痰。若龍相上炎。燦肺者宜金水同治。若暴中之瘖。全屬少陰之虛。宜峻補肝腎。或稍兼痰火而治之。其用藥總宜甘潤。而不宜苦燥。斯得之矣。華岫雲

久嗽失音必由藥誤。麥冬五味此失音之靈丹也。服之久無不失音者。若全失即使其人力如虎而走如馬。半年之後無有不死。若風寒痰火偶爾失音者。即不治亦愈。但更加以麥冬五味則弄假成真矣。此老竟茫然也。

以受命而... 對無... 無不... 八...

海味之矣 準訓

海味兼... 金本... 香... 最...

肺痿

苦辛散
邪傷肺
育津液

洪三勞煩經營陽氣弛張。即冬溫外因咳嗽。亦是氣泄邪
侵。辛以散邪。苦以降逆。希冀嗽止而肺欲辛。過辛則正
氣散失。音不能揚。色消吐涎喉痺。是肺痿難治矣。倣內
經氣味過辛。主以甘緩。

北沙參

炒麥冬

飴糖

南棗

查四脈細心熱。呼吸有音。夜寤不寐。過服發散。氣泄陽傷。
為肺痿之病。仲景法以胃藥補母救子。崇生氣也。

金匱麥門冬湯

此方不治肺痿

徐四肺痿。頻吐涎沫。食物不下。並不渴飲。豈是實火。津液
蕩盡。二便日少。宗仲景甘藥理胃。乃虛則補母。仍佐宣
通腕間之扞格。

人參

麥冬

熟半夏

生甘草

白粳米

南棗肉

沈

積勞憂思。固是內傷。冬溫觸入。而為咳嗽。乃氣分先

虛。而邪得外奏。辛散斯氣。分愈泄。滋陰非能安上。咽痛

音啞。虛中邪伏。恰值春暖。陽和脈中。脈外氣機流行。所

以小效旬日者。生陽漸振之象。穀雨暴冷。驟加衛陽。久

弱不能擁護。致小愈病復。診得脈數而虛。偏大於右寸。

虛液傷衛

口吐涎沫不能多飲湯水面色少華五心多熱而足背浮腫古人謂金空則鳴金實則無聲金破碎亦無聲是為肺病顯然然內傷虛餒為多虛則補母胃土是也肺痿之病議宗仲景麥門冬湯

王十三潰瘍流膿經年脈細色奪聲嘶食減咳嗽喉中梗痛皆漏損脂液陰失內守陽失外衛肺痿之病諒難全好

人參

黃芪

苡仁

炙草

歸身

白芨

顧三六久咳神衰氣促汗出此屬肺痿

黃芪

蜜炙八兩

生苡仁

二兩

白百合

四兩

炙黑甘草

二兩

降肺氣不

湯

白芨 四兩

南棗 四兩

水熬膏米飲湯送

肺氣不降咳痰嘔逆

鮮蘆根

桃仁

絲瓜子

苡仁

肺痿一症概屬津枯液燥。多由汗下傷正所致。夫痿者萎也。如草木之萎而不榮。為津亡而氣竭也。然致痿之因。非止一端。金匱云。或從汗出。或從嘔吐。或從消渴。小便利數。或從便難。又被快藥下之。重亡津液。故令肺熱乾痿也。肺熱乾痿。則清肅之令不行。水清則四布失度。脾氣雖散。津液上歸於肺。而肺不但不能自滋其乾。亦不能內灑陳於六腑。外輸精於皮毛也。

其津液。畱貯胃中。得熱煎熬。變爲涎沫。侵肺作咳。唾
之不已。故乾者自乾。唾者自唾。愈唾愈乾。痿病成矣。
金匱治法。貴得其精意。大意生胃津。潤肺燥。補真氣。
以通肺之小管。清火熱。以復肺之清肅。故外臺用炙
甘草湯。在於益肺氣之虛。潤肺金之燥。千金用甘草
湯。及生薑甘草湯。用參甘以生津化熱。薑棗以宣上
焦之氣。使胃中之陽不滯。而陰火自熄也。及觀先生
之治肺痿。每用甘緩理虛。或宗仲景甘藥理胃。虛則
補母之義。可謂得仲景心法矣。
鄒時乘